


土岐文庫  
文庫17  
W82  
13



文庫 17  
W 82  
13

陵陽詩鈔

共

韓駒字子蒼蜀仙井監人嘗在許下從蘇轍學稱其詩似儲光義遂名於時政和以獻頌補假將仕郎召試賜進士除秘書正字尋坐蘇氏黨謫知分寧召為著作郎奏舊祠祭樂章辭多抵牾因更撰定五十餘章遷中書舍人兼修國史權直學士院復坐鄉黨曲學提舉江州太平觀卒於撫州詩有磨淬剪裁之功不吝改竄有寄人數年復追取更定一二字者故其集不多而密栗以幽意味老淡直欲別作一家紫微引之入江西派騷老樂也

利濟橋亭詩

朝奉郎張公得其先父遺碑以附家集從諸公索詩予

陵陽詩鈔



昭和六年二月一日贈  
土岐善唐氏寄

010185188391

爲作此

大夫官業世所驚老覺軒冕非真榮斯文自屬吾黨  
 恐無路逃虛名生猶不見皇甫謐死豈肯投劉禹錫茂陵  
 一幅入漢宮世間其怪無遺帙哀哉若人用意淡自宜  
 作鶴鳴陰著書遺子三萬軸人初笑我贏無金萬貫  
 利好語那知百年蒼蘚汗爾來夜夜虹貫天山  
 知處周詩不列石鼓歌後世恐嘆遺義娥干今購市完家  
 集野老何知亦摩挲川流可平石可腐只此殺青垂萬古  
 五百驪珠固已奇插架不知猶幾許公今未暇歸田廬且

人間不見書

子戲贈短歌

...

羣羣面欺羣醜鶴冲居士術如神東走梁宋西峨岷諸公  
 踏蹙未遇日座中知是非常人只今白髮無餘產短褐邊  
 巡列侯館世人胸中無黑白不如居士明雙眼嗟予塵貌  
 天所付不須強覓封侯處書生只倚一片心它日相逢記

裴度

記一作說

送葛亞卿欲行不一過僕

吾廬偏仄門三尺慚愧春風巧相覓叩關惟許葛王孫有  
 時籍草傾餘瀝汝不如南池主人車載客紅旗皂蓋行遠  
 陌又不如東郭公子柳藏門青娥綠髮坐開樽是身牢  
 終何爲人不汝嫌汝自嗤伸眉一笑能幾時忽聞春盡王  
 孫歸春風欲盡猶有情飄英墮絮俱傷神王孫未歸迹已  
 掃秣馬膏車何太早明日一杯愁送春後日一杯愁送君

君應萬里隨春去若到桃源記歸路

陽羨葛亞卿爲海陵尉作葺春軒余爲賦之

昔聞先生隱吳儂當窗十里橫烟峰今見先生爲楚吏繞  
牆四面縈烟水從來楚俗帶吳風曲折徑路深房櫳金瓶  
繫船柳千丈舍後參天竹萬叢千籤楠架似蓬館自拂桂  
壁如僧宮掃地焚香欣客至羹魚飯稻愁樽空不瀟不精  
惟寂寞大笑先生致身錯青山猶作布衣心朱門却有田  
居樂筆回造化天工怒胸包今古時人愕甘窮自許元次  
山蹈海還尋魯仲連吾曹一歡豈易得世間百歲俱可憐  
何用北窗翻巧策且向東亭弄春色我當酌酒壽主人灘  
前飛下雙鷗鷺

謝錢珣仲惠高麗墨

王卿贈我三韓紙白若截肪光照几錢侯繼贈朝鮮墨黑  
如點漆光浮水舊傳績溪多老松奚超旣死松亦空易水  
良工近名世珍才始不歸潘翁蕭然南堂一居士赤管隄  
麋無月賜借問玄圭何自來去年海中持節使明窗晏坐  
不怒怒引紙磨墨寒生風自笑平生縮蛇蚓更慙爾雅注  
魚蟲殷勤二物從來遠神海環瀛眼中見若欲揮寫藏名  
山不如却作談天衍

送松陵老農

呼舟越洪濤笑識江南山此行爲子來政擬一笑歡相逢  
不忍別丘壑同躋攀如何舍我去使我心悄悄子實名家  
後翰墨素所便老農雖自謂念子安知田世故亦已足擾  
擾徒自憐天寒歲且盡趣駕扁舟還

淮上書事

平楚盡積水長淮多奇峰蕭條月曜夜浩蕩風鳴冬客行  
未可歸弊裘那得重寒氣搜病骨清潭貌衰容遠遊有帶  
念將老無權棕故國渺萬里去此嗟誰從

至國門聞蘇文饒將出都戲贈長句兼簡其兄世英

去年夷門十月雪九衢日昃行人絕騎驢兀兀無所之破  
袖迎風手龜裂渡橋並塹得君家入門脫帽猶凜冽急燃  
濕束爖我寒徐出清醕寧我渴君家自無儻石儲蟹黃熊  
白能俱設平生見酒脣不濡是夕連觥耳方熱羣奴夜僵  
喚不聞我亦齟鼻眠東閣明朝起過城南翁尚記新聲一  
笑發東歸每嘆懷抱真西來又喜顏色接方將慷慨豁心  
胸未用呼嘯驚歲月城南詩翁况遠來門前雪泥又沾活

豈知萬事不可期却樹吳橋背城闕人生動若參與商  
尺無論限秦粵君聞吾語雖少留但恐一歡成電掣念昔  
相見無它娛誦詩徵事相誇捷氣凌俗子旁若無偶坐時  
聞竊嚙嚼于今落落誰汝憐老屋陳編自怡悅奇言詩翁  
猶齒滯歲晚勤迂故人轍

題中寂堂

虎卧文公廬鳥窠道林室本自無俗喧何由辨真寂逃溺  
必登山遊燔必趨澤君看好靜人萬慮固未息是心倘已  
剗對鏡起亦得上人早聞道晚順世間迹振衣下靈岩  
錫來上國高堂亦何有萬卷繞四壁客來倚風廊晤語  
日夕莫言門如市中有忘機客吾曹詩酒汗此道誰  
唯應寂時趣獨有青士識

送子飛弟歸荆南

往在東堂時唯汝年尚少木槍鬪羣兒竹弓射飛鳥  
 跨鞍馬昂然丈夫表入門恍莫識與語意方了脫汝來時  
 裝夜闌酌清醪當歌喜未定感舊色已悵念我三年官  
 裏衣中麩東去盡勾吳北行薄全趙汝亦上岷峨大江東  
 浩渺一年兩附書皮筒到家少那知此相遇乾鵲巢前兆  
 我性本齊緩汝資誠楚慄相逢各相規一月語連曉憶汝  
 初結髮讀書先尉繚謂須壯執爿單于壘時挑豈期尚羈  
 旅但存雙目瞭我恨緣詩窮賃屋隘而湫尚盈三尺牀使  
 汝眠與窆二升糴祿粟醜婢羹茶蓼時時得鴉兔傷龜親  
 燔燎纔為十日歡鄰里厭煩擾朝來着戎服數匝郿條纒  
 驚我出門去歸袖風矯矯還家對寒食渚宮聞雉鳴

之緩我歸思齊汝歸與但來書畫及秋杪  
 贈趙伯魚  
 昔君叩門如啄木溪衣青純帽方屋謂是諸生延入門坐  
 定徐言出公族爾曹氣味那有此要是胸中期不俗荆州  
 早識高與黃誦二子句聲琅琅後生好學果可畏僕常倦  
 談殊未詳學詩當如初學禪未悟且徧參諸方一朝悟罷  
 正法眼信手拈出皆成章

答蔡伯世食筍

蓴絲化鹽豉槐葉資新麪豈知苦竹萌風味常獨擅昔我  
 居錦城屢喫田家飯扶杖自入箐爨此犢角鬪後參鶴林  
 禪餽我桑門饌烝烝沸鼎中亂下白玉片惟無它物乘始

覺真味現三年客東都錦籜寧復見千金洛陽來惟充大  
官膳前時過君食欣逢故人面那知列仙臞已雜蒯通雉  
吾寧飽甘肥憤吒那忍嚙請歸謂主孟厨人後當諫苦苣  
雜嘉蔬沉香和甲剪柯亭既誤椽畫障或遭練古來可歎  
事千載寄明辨作詩弔籜龍助子當食歎

食煮菜簡呂居仁

曉謁呂公子解帶浮屠宮留我具朝食喚奴求晚菘洗著  
點鹽豉鳴刀芼薑葱俄頃香馥坐雨聲傳鼎中方觀翠浪  
涌忽變黃雲濃爭貪歛鉢暖不覺定盃空憶登金山頂僧  
飯與此同還家不能學空費烹調功硬恐動牙頰冷愁傷  
肺胸君獨得其妙堪持餉衰翁異時聞豪氣愛客行庖豐  
殷勤故煮菜知我林下風人生各有道昔蓄用禦冬今我

無所營枵腹何由充豈惟臺無餽菜把尚不蒙念當勤致  
此亦足慰途窮

送倪巨濟將仕

汴流六月翻黃沙小舟兀浪如乘槎赤日下照烘朝霞腹  
鳴肩舉氣喘呀夜眠僕夫股相加拖樓晨飯羹黃茄時時  
矯首望土岸木末殷轉江洲車渴逢石泉不得汲椎鼓催  
發無停櫂問君何爲趣還家答云五載居京華夜窗讀書  
眼生花每食不飽潛咨嗟母髮半白弟髻了有妹久闕躬  
絲麻寄書細字如昏鴉問胡眷戀歸期賒來時書笈手自  
拿今歸上堂兩脚靴壽觴要及開霜瓜子志如此良可嘉  
勸子博學如橫置麋麟兔鹿盡所遮或典而法浮而葩要  
歸于正謹去邪行如種植慎萌芽念當務實勿求誇我行

陵陽詩鈔  
六  
買犢耕三巴竹子佳譽來天涯

出宰分寧別舊同舍五首

公車八千言自獻十二旒落筆中書罷石渠並英游方欣  
洛陽遇已慨周南嚮明堂  
梗柎詎須汝薪槓三年望龍  
斷艱難身百憂鬢髮五分白更落天南陬

念我行老矣才拙世所捐青綾未頻直黃紬且安眠飽聞  
縣西寺修椽壓山顛中容五百衆上堂鼓闐闐王程倘餘  
暇茲焉著幽禪自擷雙井茶與僧酌雲泉

昔慚雲閣姿斥守蒲城市五占天鷄星未收逐臣淚歸聞  
長樂鐘疲馬思一試挈挈今又東敞邑臨無地人生縛微  
官大似侏儒戲升沉各幾時怨欣兩當置

益昌剗移文道州拙催科我愚象二子將奈分寧何吾君

放勛姿于今萬邦和縣令但拱手排衙鼓鳴鼉故人  
船勸勿凌江波君其謝故人我亦聊絃歌

陽山昔御史夷陵前校書坐法竄未久遇赦罪已除故時  
同舍郎半直承明廬獨奔江西縣道里三千餘皇

倘復哀臣愚念當脫江瘴與子聯朝裾

入鳴水洞循源至山上

崇山蓄靈泉萬古去不息瀦爲百斛澗散入千渠溢其東  
匯民田又北尋山腋斷崖如破瓜飛瀑中蕩激天聲或雷  
霆細者亦等瑟末流垂半山十里見沸白得非拖天紳常  
恐浮地脈呂梁丈人老尚與汨偕出我欲蹋驚湍下窮巖  
齧石惜哉意徒然屬此歲凜凜安得汝南周斷取白蛟春  
歸之龍泉峰山門夜喧席



分寧大竹取爲酒罇短脰寬大腹可容二升而漆其

外戲爲短歌

此君少日青而臞爾來黑肥如瓠壺縮肩短帽壓兩耳無  
乃戲學騶侏儒人言腹大中何有不獨容君更容酒未須  
常要託後車滑稽且作先生友少陵匏罇安在哉次山石  
白空飛埃茆簷對客夜驚笑麴生叩門何自來老向人間  
不稱意但覺淵明酒多味乞取田家老瓦盆伴我年年竹  
根醉

湖南有大竹世號貓頭取以作枕仍爲賦詩

湖南人家養狸奴夜出相乳肥其膚買魚穿柳不蒙聘深  
蹲地底老欲枯誰將作枕置榻上擁腫似慣眠黽能慵便  
玉枕分已無孫生洗耳非良圖茅齋紙帳施團蒲與我同

歸夜相娛更長月黑試拊卧鼠目尚爾驚睢盱坐令先生  
春睡美夢魂直饒赤沙湖更煩黃妳好看取走入有舍無  
人呼

題湖南清絕圖

故人來從天柱峰手提石廩與祝融兩山坡陀幾百里安  
得置之行李中下有瀟湘水清瀉平沙側岸搖丹楓魚舟  
已入浦激宿客帆日暮猶爭風我方騎馬大梁下怪此物  
象不與常時同故人謂我乃縮素粉精墨妙煩良工都將  
湖南萬古愁與我頃刻開心胸詩成畫往默惆悵老眼復  
厭京塵紅

送趙承之秘監出守南陽

繁臺十月寒颼颼置酒共祖南陽侯九士一客相獻酬皆

言南陽山水幽菊泉釀酒不論石上酥醞醐出肥牛使君  
樓前橘柚古丞相堂下蒲蓮稠夜燃蠟炬賓醉舞春風歌  
眠百花洲各持一觴勸公飲此行樂矣公何求我獨倚杖  
商聲謳此公人間第一流方今羣賢從法駕金絨塞路嘶  
驂驪獨令此公守一州臨分慷慨淚莫收南陽南陽樂復  
樂歸來歸來無久留

次韻館中諸公遊慈雲寺

嘉蔬隨客庖香飯出僧甌聊爲一飽謀未暇談禪病二公  
當代豪詞林氣方盛五言謹詩律百罰嚴酒令樂與同會  
卽共此給園淨想像斜川遊何如舞雩詠甘瓜自雍丘  
芡來新鄭看果各有攜笑我室懸磬陋質謝不往實愧  
瑤映人生一車足那須富千乘有興驅短轅寧辭且

及時速行樂莫待苦脚脛炎暑忽已闌當念時難更

飲酒次人韻

淺瀨見魚遊澄潭知鶴沒疑乘青霞珮徑墮白銀闕平生  
探學海中年悟禪悅應須臨渺瀰庶以稱超越回塘大圓  
鏡新蒲細於髮綠扇互低昂玉顏爭秀發良辰宴觴豆炎  
曦脫巾襪荷聲過急雨竹影敷涼月緩行躡芳草移坐蔭  
深穢何當酒拍浮恣聽舟搖兀而我方抱鉛上馬自腰笏  
叩門不聞呼造席無乃咄詎敢陵崆峒幸許窺剗願公  
開迷雲令我入理窟雄篇出月脇妙息露天骨蹇步那由  
追督井媿先竭

題采菊圖

往在京口爲曾公卷題采菊圖九日東籬采落英白衣

遙見眼能明向令自有杯中物一段風流可得成蔡天  
啓屢哦此詩以爲善然余嘗謂古人寄懷於物而無所  
好然後爲達况淵明之真其於黃花直寓意耳至言飲  
酒適意亦非淵明極致向使無酒但悠然見南山其樂  
多矣遇酒輒醉醉醒之後豈知有江州太守哉當以此  
論淵明復作二首

黃菊有何好且寄平生懷遇酒興不淺無酒意亦佳此理  
誰復明自昔寡所諧空餘采菊圖寂寞懸高齋  
今日菊始華叢雁鳴相和若無一觴酒如此重九何悠然  
數酌盡會心豈在多醒來不復記散髮東山阿

去冬除守歷陽未上召還西掖今夏自應天尹移知  
齊安道由歷陽珪老相訪奉簡一首

嘗聞歷陽郡寺有褒禪山及我分竹符欲往窮躋攀驅車  
發半道尺一喚我還歎息岩下水何時照衰顏復持齊安  
節稅駕臨通闕屬有行役累無由叩僧關珪公岷峨秀逸  
韻超人寰攜詩遠過我慇懃請加刪少年意氣盛笑我毛  
髮斑夜語不知寢起看江月灣浮生浪擾擾萬法本自閑  
爲吏何足論誓將老榛菅買田未及議我實貧非慳奉乞  
一菴地往來泉石間

武寧道中

小灘嘈嘈大灘惡朝行羊腸暮鹿角盡日拖舟不得前忽  
然筴斷千尋落上梁左側石子多兩船與石鳴相摩卧聽  
溪師倚篙哭將如四十二灘何

羊腸鹿角上梁皆灘名

次韻曾通判登擬峴臺

朝攜筇杖來，暝倚胡床坐。循墻讀遺碑，歲久苔蘚沍。烈風無時休，於茲驗真箇。曾郎吐佳句，勢突黃初過。交遊得詩流，吾儕可相賀。念昔逢大梁，一別九鑽火。再見疑前身，居然客愁破。世久無若人，子豈伯休那。曾時丁憂千山厭露宿，一壑期雲卧。子少方鵬騫，吾衰作鸞墮。篇成不敢出，畏子詩眼大。唯當事，淺禪諸方叅。作麼文章真，綺語季緒徒。瑣瑣安得京口歸，秋江細扶柁。

題蕃騎圖

塞上一作沙場漠漠黃雲秋，黃鬚胡兒騎紫驕。一作馬攬前弄風走兒掣，轡空驤首颯。鞭慎莫向南馳，漢家將軍方打圍。奪弓射汝猶可脫，奪汝善馬何由歸。

題韓晁畫瀛洲學士圖

咸陽中天開帝居，羣公下直承明廬。長鞦短轡褒衣裾，蒼頭廬兒爭走趨。韓侯畫此時，無虞瀛洲仙人樂有餘。我生不及正觀初，忽思十年身校書。吟詩天街騎蹇驢，爾來戎馬方馳驅。眼厭繡掘蒙諸子，把卷未展先欷歔。

順老寄菜花乾戲作長句

道人禪餘自鉏菜，小摘黃花日中曬。峨嵋榎脯久不來，麴糵薑絲典刑在。封題寄我紙作囊，中有巴蜀齋厨香。起炊曉甑八月白，配此春盤一掬黃。榎軟木耳八月白稻名也

李氏娛書齋

欲樂誑凡夫，須臾皆變壞。唯書有真樂，意味久猶在。李君名家流，事業窺前輩。澹然無他娛，開卷與心會。憶吾童稚時，書亦甚所愛。傳抄春復秋，諷誦晝連晦。飲食忘辛鹹，汗

垢失盟頰爾來歡喜處乃在文字外卷藏二萬籤琴几靜  
相對此樂君未知狂言勿吾怪

送王秘閣二首

烏衣諸王吾早聞晚塗獨識和州孫風流踏拖欲垂盡文  
采陸離今尚存奉祠乃是衰翁事如君胡爲亦爲此僕夫  
在門君疾驅往獻天子平邊書  
右軍池頭鷓鴣呼康樂臺下移檉疎碧山學士此築室白  
髮散人來卜居身隨沙鷗卧烟雨十年無書上公府枉作  
西班老從臣看君才華不能舉

送里人陳會往見江西漕使

勸君少畱持一觴與君鄉里皆陵陽兒童共戲苦鹽岸老  
大相逢烏石岡拾遺平生丈人行拊我謂我能文章豈知  
今無一絲長但餘顛華面顏蒼君行往見玉節郎感時  
國歌慷慨餉師十萬西平羌笑我挾複山中藏

夜與疎山清公對語因設果供戲成長句

落葉屑窣鳴風廊四無人聲夜未央道人過我談真常客  
舍有底相迎將竹鑪篝火曲木牀烏柏爲燭楓脂香青梨  
纒纒釘坐光黃甘十子近著霜醯梅蜜杏經年藏紅糝綴  
枝加柘漿導藕諸芋蘘荷薑堆盤滿案次第嘗憶初見翁  
修水旁轉頭八十鬚眉蒼爾時尊宿略喪亡屹如樅檜老  
不僵而我昔漫參朝行十年投閑坐老狂人生一夢炊黃  
梁諸法本閒人自忙况今世故甚擾攘與翁幸憇菩提坊  
夜闌一酌餘甘湯它年此樂不可忘

上泰州使君陳瑩中

當年賢路雜薰蕕歎息諸公善自謀今日在前皆鼎鑊後  
來知我獨春秋海邊已擊師襄磬湖上新逢范蠡舟惟有  
書生更無事不妨挾冊更西游

聞富鄭公少時隨侍至此讀書景德寺後人爲作祠

堂因跋余舊詩後以自嘲

藤床瓦枕快清風破悶文書亦漫供鄉信未傳霜後雁  
懷生怯晚來鐘淹留已辦三年計流落應無萬戶封猶有  
壁間詩句在他時誰肯寫塵容  
海氣昏昏又嘯風一杯扶病要時供三年閉戶兒童怪千  
古閉情我輩鐘若得黃甘應手種更求青李莫雨封疎頑  
自笑將安適寄謝江山好見容

次韻留別南公

天遣吾曹與世疎那將窮技學黔驢只今年少身多病是  
處愁深淚濺裾此去不須論塞馬向來猶有葬江魚虛名  
只用驚兒輩要作生涯莫著書

九絕爲亞卿作

離歌三疊最關情不省從來此地聞早是春殘心事惡落  
花陰裏更辭君

君去東山踏亂雲後車何不載紅裙羅衣泥盡傷春淚只  
有無言持送君

更欲樽前抵死留爲君徐唱木蘭舟臨行翻恨君恩雜十  
二金釵淚總流

世上無情似有情俱將苦淚點離樽人心真處君須會認  
取儂家暗斷魂

君住江濱起畫樓，安居海角送潮頭。湖中有妾相思淚，流到樓前更不流。

憶汎郎舟共採蓮，今來揮淚送郎船。回書倘寄新翻曲，湖上何人爲扣舷。

一夢巫陽樂已窮，三年猶復怨匆匆。倏倏雲驟雨成何事，未必三年抵夢中。

妾願爲雲逐畫檣，君言十日看歸航。恐君回首高城隔，直倚江樓過夕陽。

初合雙鬟說後期，相盟不在已相知。來時休落春風後，却漫嘲儂子滿枝。

送俞仲寬赴宿倅

年少場中晚節寒，去年渾手下天關。何人肯蹋風波路，自

古難言骨肉間。十里卽應歸漢闕，一帆從此別淮山。艤舟如得僧伽印，未用將身付等閒。

五月八日游北禪師川登塔盡七級僕能三級而已

晚過公晦偶作二首

徐郎胸次已冰清，北寺清游更絕塵。不欲茹葷緣道友，肯來出郭是詩人。憐君遠客情能爾，看我題名墨尚新。誰有好方扶脚力，故鄉歸去蹋峨岷。

鐵鑲銅鑲一一開，肩輿不問主人來。已登白塔吾休矣，更上紅亭子壯哉。世外清歡須邂逅，城頭落日共徘徊。雲樓五月滄洲趣，羞殺初無八斗才。

曾大父有詩云三春拂榻花黏袖，午夜淘丹月在池。舍弟子飛歸蜀與語及此，因取爲韻。

去蜀初遊楚吾方十二三無成今長大送汝不勝慙  
還家倘無事莫負故園春衣錦兒嬉爾從來笑買臣  
艤舟不能前已復日西沒贈子以幽蘭秋風正披拂  
野宿月團樂風餐氣蕭颯從來對牀地只今懸一榻  
入蜀尋幽跡應先到浣花誠知錦城樂亦記曷還家  
魚游因餌得魚困坐藕黏顧我今如此空懷石井鹽  
逢年要力耕善舞須長袖北山休移文南山歸種豆  
一棹送君歸酒醒秋江午正是尊鱸時思君在何許  
明月落帆時荒山孤夜夜回首白雲飛吾親在其下  
客行宜努力時亦近醇醪一盞熏人醉雲安米正陶  
爾去逢諸父髯霜貌渥丹貧窮宜此報富貴却難安  
揚州十里春蛾眉半輪月茲游真不凡詩成想清絕

吾祖屯田公遺書悉安在爲我謝諸兄蠹魚時一曬  
故山不可到歸夢到天池想見山中叟磨崖待我詩

次韻參寥

此身不擬墮塵緣長恐驚鴻落響弦  
盡世間千澗壑曩來曾次一山川  
深宮木末猶秋色故國天涯只暮烟  
憑此道人分石甃要看庭下玉龍旋  
且向家山一笑懽從來烈士直如弦  
君今振錫歸千頃我亦收身入兩川  
短世驚人如掣電浮雲過眼亦飛烟  
何當與子超塵域下視紛紛蟻磨旋

泰輿道中

縣郭連峯竹人家蔽綠蘿地偏春事少  
山迥夕陽多暗水披崖出輕船掠岸過  
傳呼細扶柁吾老怯風波



智勇師歸永嘉自言所居在萬竹間乞詩送行

上人歸去家何許萬竹深圍一把茅  
蹋盡叢林叅白足却來江檻俯青郊  
夜階款款風翻籜春路冥冥雨放梢  
宿霧清陰分百十暮年思與子論交

送黃若虛下第歸湖南

時人會傍高門走獨有來游翰墨場  
已有哲兒如叔度定知吾子勝文強  
長淮白浪搖春枕故國青山接夜航  
乞得功名歸遺母未應羨羨綠衣郎

館中直宿書事

十載名山慣杖藜清都直宿夢魂疑  
卧聞長樂鐘聲近尚憶寒山半夜時

北風吹馬襲貂裘薄雪連雲凍未收  
銀關晝開禽鳥白

知三館是瀛洲

行至華陰呈舊同舍

落日同騎款段游倦依松石弄清流  
蓬萊漢殿春分手笑相逢太華秋

次韻息聰

欲問琴聰水鏡篇竭來端爲著幽禪  
五更下馬呼殘夢數而成親是宿緣  
伏腦憐君有犀骨騰身笑我不鳶肩  
白頭奔走襄陽道空誦新詩憶浩然

和李上舍冬日書事

北風吹日晝多陰日暮擁階黃葉深  
倦鵲遶枝翻凍影飛鴻摩月墮孤音  
推愁不去如相覓與老無期稍見侵  
顯露微官少年事病來那復一分心

偶書二絕呈館中舊同舍

去年看曝石渠書內酒均頒白玉腴今日醉登延閣望  
人回首憶窮途  
御本曾看錦帕舒醉驚飛閣上凌虛而今卧病衡門底  
曬茆簷幾卷書

送蘇世美東歸

東游兩見鶴林春晚愧先生作並鄰樽俎每畱倉猝客典  
刑猶識老成人繫舟一笑都門外賣劍歸耕穎水濱意氣  
年來類兒女別離不覺淚橫巾  
京口尋山每見攜鶴林問法更追隨本無物累那成癖官  
借人書未必癡食粥往年容乞米一樽今日細論詩却  
好去春風暖莫忘椎水共載時

梅花三首

江南歲晚雪漫漫澗谷梅花巧耐寒幸有幽香當供給不  
辭三載滯西安

雲根細路遶溪斜日出烟銷水見沙只度關山魂已斷可  
須疎雨濕梅花

盤輿曉入關山路玉節珠旛次第開白髮微官何用許似  
憐身出道山來

夜泊寧陵

汴水日馳三百里扁舟東下便開帆旦辭杞國風微北夜  
泊寧陵月政南老樹挾霜鳴窸窣寒花垂露落氍毹茫然  
不悟身何處水色天光共蔚藍

庚子年還朝飲酒絕句

三年逐客卧江皋自與田翁酌小槽飲慣茆柴諳苦硬不  
知如蜜有香膠  
往時看曝石渠書內酒均頒白玉腴落魄十年無復醉因  
公今日識官壺

送海常化士

好去凌空錫杖飛鳳林關外道場稀莫言衲子籃無底盛  
取江南骨董歸

次韻何文瀾種竹

杜陵窮老覓橙栽不似何郎種笛材三徑莫憂荒草合一  
樽如與故人開未堪急雨枝枝打便有幽禽日日來坐誦  
東坡食無肉詩腸日午轉飢雷

次韻王給事觀殿試唱名

漢英春殿唱諸生日轉觚稜晚色清近侍皆分金帶赤內  
人爭看雪衣明內人多自昇平樓上下觀罷朝詔賜羣公坐合殿歡傳  
萬歲聲我老倦隨宮漏水江南江北聽鼉更

次韻翁監再來館中

歸老江湖久自盟睡餘且復對空林重來內閣人誰健慣  
踏天街馬不驚已喜劉歆分七略尚傳韓愈誨諸生太平  
潤色須公等應許吾兼吏隱名

次韻館中上元游葆真宮觀燈

百千燈射水晶簾尚覺游人意未厭多病只思田舍樂夜  
歸烟火望茅簷

玉作芙蓉院院明博山香度小崢嶸直言水北人稀到也  
有槃姍勃窣行

鴨綠未全生曲沼鵝黃先已上柔柯故應春物撩詩思白  
髮明朝一倍多

開卷愛公如李益解言明月逐人來多情如其春流轉刻  
燭題詩又一回  
澹澹新粧帶淺啼催車只待日平西驕驪也自知人意散  
入千花了不嘶

申應時卜居京口名之曰雲樓又曰小築乞詩送行  
客舍秋來憶舊居一帆歸去落東吳他年寄我新詩句卽  
是雲樓小築圖

次韻何文縝舍人後省致齋

食直沉沉浴殿南春風想對百花潭藤牀轉枕尋餘夢粉  
筆題詩倚半酣追記舊游時一笑歡參真理莫多談白頭

初試絲綸手歸去扶犁意亦甘

次韻侯思孺將至黃州見簡

不用船頭報水程爲君持酒打愁城青山久負當年約白  
髮多從客路生點檢轉工新句法揩磨難減舊風情小罍  
莫道無俱給一味東籬有落英

故資政忠惠韓公挽詞

藉甚中山守風流世有人獵圍邊月曉筵踏塞花春金絮  
盟猶在灰釘事已新使公長臥護何地起塵

以正賜庫蒲萄醅送何斯舉復次其韻

歎息蘇公無恙日坡頭自築小山房五年不識宮壺味只  
以春江當酒腸

老臣政實不堪論尚得君王賜酒樽異日黃州成故事蒲

菊醅熟記初元

登赤壁磯

緩尋翠竹白沙游更挽藤梢上上頭豈有危巢與棲鶻亦  
為陳迹但飛鷗徑營二頃將歸老眷戀羣山為少畱百日  
使君何足道空餘詩句在江樓

某已被旨移蔡賊起旁郡未果進發今日上城部分

民兵閱視戰艦口號三首

病守雖閑鬢未蒼尚能談笑坐 牀指揮一掃妖氛盡便  
自關山向汝陽

昨夜黃昏得蠟書老臣恨已解兵符莫將箭污倫兒血畱

與官家北射 十二月得京城蠟彈有旨守臣部兵應援

百憂前日摠薰心一笑朝來得好音絕域不須遮 障今

年自有殺 林

次韻耿龍圖秣陵書事

十月舟藏一作橫蘆荻林客衣頓覺夜寒侵亂離祇有窮邊  
淚動業都無過去心敢恨青鞋踏江浦近傳黃屋渡淮陰  
氣象須公等是日頻聞正始音

次韻金陵趙德夫使君上元三絕

小風吹水漲平湖屋角殘冰亦已無投老只圖春睡足可  
須山鳥強招呼

卧聽秦淮鳴咽聲起看江月暮潮平舊時憶在延真觀玉  
作芙蓉院院明

憶昨宣和從武皇春風省試御袍香自從翠蓋尋沙漠無  
復徵歌出洞房

次韻南溪觀魚

城西鼓櫂又城東不待溪分上下風  
碧樹垂楊間黃綠水盤行鱸簇青紅橫  
塘日暮林巒合斷岸秋來浦溆通  
安得此身無世累便隨漁艇入空濛

再次韻兼簡李道夫

麥秋宜晚起况復雨頻頻  
桃竹猶能杖柴車未可巾  
閑分酒賢聖靜記藥君臣  
會有騎鯨李來陪賀李真

李侯梨釘坐風味勝仁頻  
投老須鳴玉相看尚秃巾  
便應尋木客何必問波臣  
不復來城市從人笑我真  
猶記一麾出敢論三顧頻  
餘生過飛鳥幻事捏空中  
學道無疑怖憂時有主臣  
買舟蒼雪去我亦號玄真

次韻錢遜叔侍郎見簡

三頭急世難無地可推愁  
曉日瞻天闕春風憶御溝  
他年宋老蜀萬尸子封畱  
尚記臨川郡溪山爛熳遊

往歲自京口與曾公永宏父同行至下蜀因次前韻簡之

下蜀追隨日歡言一散愁  
籃輿轉陂路小櫂渡潮溝  
萬里家何在三年淹此畱  
猶欣遲暮眼見子並英遊

撫州邂逅彥正提刑道舊感歎輒書長句奉呈

憶在昭文並直廬與君三歲侍  
皇居花開輦路春迎駕日  
轉蓬山曉曝書學士南來尚  
岩穴神州北望已丘墟  
愁逢漢節滄江上握手秋風淚滿裾

送曾宏父

見子京汪尚少年大梁重見已翩翩  
頃來更覺文章進他

日寧容老病先梅谷舊題幽谷引橘陂新和漢陂篇常慚  
散吏空稱賞不敢吹噓上九天

乃翁名見豫章詩學術傳家有大兒四海共推文賦早三  
年應訝省郎遲生逢側席求賢日卽是摩霄聳壑時若到  
朝廷問衰朽爲言常宿畏人知

次韻錢遜叔侍郎見簡

掃地焚香元自喜傍門騎馬向來慵田園此去須安枕海  
岱今年不舉烽已分瘦藤扶病骨生憎明鏡寫衰容兩公  
故是經綸手足問腰金早晚重

信州連使君惠酒戲書絕句謝之

憶傾南庫官供酒共賞西京勅賜花白髮逢春醒復醉豈  
知流落在天涯故事每歲洛陽貢花賜館職百朵并賜南  
庫法酒

次韻錢遜叔謝曾使君送酒

誰憐定武故將軍侍郎常  
除定帥醉舞狂歌老更真好事時分小  
槽酒殘樽也到白頭人

次韻曾寺丞觀早朝上徐諫議

憶昨飄然下葉闔十年江海望巖宸遙知駐蹕艱危地尚  
有憂時老大臣已起陽城無諫諍又傳陸贄掌絲綸爲公  
細數能文士幾箇麒麟閣上人

次韻徐翰林

遠聞仙伯上神山始覺升平氣象還一夢休論玉堂事兩  
行曾綴紫宸班想燒傳燭書天詔看剪花驥出帝關尚憶  
平生故人否夜驅黃犢在田間

某頃知黃州墨卿爲州司錄今八年矣邂逅臨川送

別二首

自罷黃州守殊方任轉流寧論九年謫已判一生休此士  
真材傑諸公定挽畱倘歸存老病車騎擁西疇  
盜賊猶如此蒼生困未蘇今年起安石不用哭包胥子去  
朝行在人應問老夫髭鬚衰白盡瘦地日攜鉏

送雲門妙喜遊雪峰

老子幽棲地勞君久見存夜壺從粟爆午盃看茶翻舊事  
時追憶深禪得細論還應雪峰老領衆待雲門

送東林珪老遊閩二絕

直自三湘到七閩無人不道竹菴名詩如雪竇加奇峭  
似雲居更妙明

竹菴端爲故人畱尚許叢翁預勝流寄語叢林好請客

首輕觀雪峰毬

卽席送呂居仁

一樽相屬兩華顛落日臨分更泫然蹀躞鳴珂君得路伶  
俚散策我歸田近聞南國生涯盡厭見西江殺氣纏欲買  
扁舟吳越去看山看水樂餘年

余往歲與遜叔侍郎同寓廣陵靖康元年遜叔守符

離余被召過焉未幾余守南都遜叔移真定過畱

數日紹興二年復同寓臨川感念疇昔奉送一首

廣陵三歲共祠宮二月帆開二水風北渚蕩舟公醉我南  
湖張樂我畱公豈知去國千山外又復連牆一笑同喪亂  
難堪重離別可無書札問衰翁

余爲著作郎如瑩爲司令官舍皆在左掖門外高頭



坊紹興四年如瑩持節江西道撫相訪輒成長句  
邂逅都城接下風官居摠在日華東門瞻曲角趨朝近路  
轉高頭出局同今日繡衣新使者晚塗霜鬢舊鄰翁一盃  
無復當時樂赤縣黃圖淚眼中

次韻曾吉父見簡

往歲滄波轉地流是身如沫信沉浮初聞盜賊奔他境漸  
見衣冠集此州病欲滾耕歸谷口禪須未句問岩頭膺門  
也自知人喜有客清真似子不

六月二十一日子文待制見訪熱甚追記館中納涼  
故事漫成一首

漢閣西頭千步廊與君長夏對胡牀陰陰檜色連宮草寂  
寂棊聲度苑牆細乳分茶紋簟冷明珠擘芡小荷香身今  
老病投炎瘴最憶冰盤貯蔗漿

送子文待制歸蜀

家近錦江歸未得見人之蜀便凄然聞君細說開州好勸  
我來依刺史賢當路尚多豺虎鬪遠湖曾帶羊何時  
萬里雲沙靜穩上沙頭上水船

送范叔器次路公弼韻

晚塗淹泊向誰論白髮名卿官見存雒邑風流餘此老故  
家文獻有諸孫寺連狹徑曾傾蓋船擁清溪尚一樽小駐  
鄱陽未宜遠欲憑書尺問寒溫

謝人送鳳團及建茶

白髮前朝舊史官風鑪煮茗暮江寒蒼龍不復從天下拭  
淚看君小鳳團

山瓶慣識露芽香細蕪勻排訝許方猶喜晚塗官樣在密  
羅溪碾看飛霜

頃年侍立集英殿見周表卿唱名第二客居臨川表

卿爲宜黃丞歲滿訪別作詩送之

往時束帶待明光曾看揮毫點御牀只道驂驪已騰踏不  
知鷓鴣尚摧藏官居四合峰巒雨驛路千林橘柚霜莫爲  
艱難歸故里漢庭今重甲科郎

似矩尚書師桂道由臨川賦詩三首貽彥章內翰謹

次元韻送行

喪亂乖離數衰慵問訊疎新霜上鬢髯老淚濕襟裾忽報  
迎車騎遙知奉璽書豈惟謀御穀文亦似相如

有人談五嶺曾舉象衡廬地長十尋竹波跳三尺魚看公

羅鉢鉞笑我老耕鋤敢望頻書札相望萬里餘

郡戟蒼山上平分二水流四時無癘氣五管有賢侯靜契

羅公遠禪參帛道猷人生一麾樂不必向中州

曹山老送筍蕨與諸禪客同食戲成

桮寺瓶罌至吾廬水竹幽開緘喜風韻喚客少淹留蕨帶

寒山醬筍兼頭子油誰能知許味一飽併無憂

送宜黃宰任滿赴調

故老凋零盡君猶識了翁溪知名節似不但里閭同

同縣自言  
慕其爲人  
政府方交辟高賢豈久窮他年汝溪上伴我釣

秋風

送張右丞司赴召

老夫宴坐臨川寺五見君爲萬里行病馬不辭遭掣頓雲

鵬那復計期程遙知此去常乖隔莫惜書來訪死生早與  
朝廷定巴蜀故山蓬暮欲歸耕

*[Faded bleed-through text from the reverse side of the page]*

鷄肋集鈔

晁補之字无咎濟州巨野人年十七從父官杭州著七  
述言錢塘山川風物之麗時東坡為通判正欲作賦見  
之稱嘆曰吾可閣筆矣由是知名舉進士試開封及禮  
部別院皆第一神宗閱其文曰是深於經術可革浮薄  
累仕著作郎充秘閣較理國史編脩尋坐脩神宗實錄  
失實降官徽宗召還未幾復以黨論坐貶還家葺歸來  
園自號歸來子大觀末出黨籍起知泗州卒有集七十  
卷自謂會之則無得棄之則可惜故名鷄肋集  
視田五首贈八弟無穀

河流之所濡一斛泥數斗我莊當水窮乃比石田瘦尚無  
東陵瓜况有南山豆天雨不可期且復鞭牛後

蘇秦不願印迺在二頃田東臯五十畝力薄荆杞填擇高  
種苜蓿不溼牛口涎拙計安足爲朝往而莫旋  
薄遊廢家務待子營糗糧莊奴不入租報我田久荒凌矜  
馬到門碑兀牛卧場立苗蒼耳根此策殊未長  
家世不爲農長安有大第官糧弗充口萬里聊自庇一從  
學聳牙世事百色廢賣牛姑補屋歲晚霜雪至  
居貧廢文字銚鋤學苦耕怪子獨伶俜久與地方爭苦耕  
又不時狐虺日縱橫高原一釋耒歎息心忡忡

卽事一首次韻祝朝奉十一丈

平生交游情獨處不可乍那爲一馬飲濁水噴百馬弦歌  
高樓上但恨知者寡丈人遺世心口語儻能借不然抱幽  
璞終歲裹幘屨坐令青蠅繁暫出刑兩蹀儒冠成自誤歸  
去無屋瓦賴逢里中賢築室各瀟灑及時秫麥賤樽酒得  
同把安能効乾沒肩與市人亞居然邑里號曾墨爲還駕  
况在竈奧間欲耻王孫賈東方錢二百得米稚啼嗷嘲笑  
坐窮辰無肉飽伏假尚聞剝啄聲聊復屣屐迂子常妙工  
詩蘇李掩曹謝有時醉醜醜大小翻盞罍倒牀鼻息惡喚  
起對殘燧復古志尚奇衆競方獨暇捫蝨與人言豈不逢  
譴訝崇朝滌腹坐往往食芻舍子固業少成議論媿風雅  
嘗聞莊生說乃慕巨魚化平居似晏子志念能自下而我  
獨迂踈通人所譏罵正賴觴詠中得意陶寫畱連接清  
晤欲起不能罷是時春雨餘桑密鳩鳴野城隅園圃近欵  
段亦時跨便恐百卉闌晚晚侵朱夏人生形骸累未免俗  
情詐此理豈外求猶煩詹尹卦清風穆然在如渴啗甘蔗

况我自散材谷口窮耕者去年秋不在匏瓠緣庭架低回  
迫榮利妻子憐王霸橫經亦彊顏已取或人捨但慮宰我  
懸松栢談三社倏然一室內黃卷開佳話尺璧競寸陰寧  
復當論價吟哦愁肝腎蟋蟀弔長夜鄙俚頗近情持用自  
悲詫功名與道義熊掌借魚炙二事良難兼夫子賢點也

謁岱祠卽事

澤南三百里極望橫天雲雲端色凝黛諦視初可分崢嶸  
介丘像頽洞元氣屯頃刻有變化慘澹殊明昏天行帝出  
震其位生物元不周債西北川乃東南奔寧知六鼉死竟  
使二山淪不有是難傾孰維大塊根嘗聞周官說實惟天  
帝孫神靈所鎮守民物斯茫存幽明昭一理有道惟常尊  
不覺下馬拜僮奴亦蹲循廼知正直理足使冥頑敦三五  
有損益商人所尊神明法或不懼夜行安得遂以此輔世  
教庶幾驅驚民莫宿太平驛不眠慮絲棼明朝好天色萬  
象開胚渾勢橫恒碣盡支壓齊魯蹲五色冒日觀一握通  
帝闢恢拓下摧嶮青蒼上氤氳泉石競沮洳煙嵐互紛綸  
高舉躡風海溪蹠踏火輪濤波卷堆阜一一溟渤吞棊枰  
視井邑七箸藏松椿碧瓦峙雙闕紅牆繚長闈願瞻巖閔  
客內滌邪垢魂賜臣登絕頂一覽神秀原萬壑射窈窕三  
壇蠹蟻响莽不覩項領何能窮脞跟稍稍指鳧繹依依數  
亭云松列大夫爵羸識將軍墳瓊屑澗花麗霏微崖藥黥  
廣大良有以奇險安足論瑰詭有形上頽然德彌惇得無  
希夷子倣世逃淡綦亦有黃冠士相對如麈麈此曹噉莫  
木語道良未聞解榻坐中觀洗心馳大釣形氣要得一不

然隨物泯是事亦姑置幽尋聊可勤初疑無字碑瑩潔誰  
敢文又怪玉女井高絕何由齋俯穿鬪仙巖身下天壁垠  
側度五賢堂熊經背逡巡劒石危數履女蘿柔屢捫揮斤  
入極遠風來袂軒軒廖廓自無梯猶疑天可賓陰谷不敢  
視恐落魑魅羣安得遂獨往身如黃鵠翻周流遍五嶽採  
掇芝英繁卽欲總圓嶠或當止崐崙衆真迎我語一笑顏  
玉溫是中差可樂子胡戀塵樊答此太遺物身閒猶事君  
重華迹已遠秦漢事方煩成功屬吾宋五禮垂後昆皇帝  
二載春臣備太史員納繹自帝典頗識康哉言泥金白玉  
字願頌無前勳有志類韓愈無書愧文園臣髮將雪素臣  
心猶日暎今此在林藪跳身同獼猿徒觀衆山小愁絕下  
天門

遊信州南巖

南巖夫何爲山作天倚蓋山南豁山腹飛頂覆其外初如  
鵬將翔膺擊羣麓背乍似海大魚呀口噉而嘍當空橫厲  
額架屋喉舌內仰窺駭憑凌俯進愁壓墜嘗聆釋氏說仰  
覆各世界千問未可著五畝良不隘清冷氣射人熱惱從  
此潰崖奔木疎瘦谷遠身幽怪問僧何年居投老四五輩  
問客何人來官滿或一再而予與二子高興偶相戒松舟  
下清江毛髮數緞蟹藍輿上峻嶺幢節望杉檜李侯勛門  
胄文彩山作繪趙君儒林孫媿美蘭結珮不爲城郭遊繼  
月此于邁寧知老逾拙意在精賞退得居溪南山食飲與  
山對夔魑入奧突雲雨出巾襜古人戒賤目慣覩誰復貴  
顧此誠未逢欣然與心會彭湖兩崖蹙泉作一線霈禪月

古臺空靈山自明晦搜奇獲三勝趣嬾同一概但憂久聲  
牙尚喜無帶芥平生所驅使詩酒俱好在天涯得吾侶物  
外從所快便欲登赤城一觀天宇大

再次韻文潛病起

淮浦見之子春風初策名頗訝謫仙人有籍白玉京晚遇  
廣文直老交心愈傾同升芸香府偶坐華髮生斯人自龍  
性意變難章程者酒不疵吝身如秋葉輕自言士處世何  
必冰雪清交遊滿臺省毀譽半王城不宥效俯仰畏高侮  
鰥惇常思老伊頰紫蟹羞吳杭我輒抵掌和音同磬隨笙  
小人奉慈親皆嘗小人羹寒衣婦補綻學績女娉婷日欲  
江海去心期楊柳青衆木構大厦豫章倚孤撐如子足醫  
國可容移疾行丹書紫皇告玉篆五嶽形何必陶隱居吞

霞養純精訪道自素約諸心期莫齡但恐牽俗緣志大功  
不成息交屏妻子此語不須驚

送學生李公裕兄弟赴省集

閉門圍火談開戶雪一尺黃昏具盃酒知君遠行役君家  
三兄弟頗謂各無敵客父學知方天道通四驛吉父尤頡  
頽天地觀水擊仁父少而奇乃是夜光壁李侯有此子便  
可卧安席家居樂與餌聊以止過客豈無一束芻空谷不  
可食宵人操寵利徒手捕螭蜥公等寧復然烏黑鵠自白  
屠龍業有用未厭所從僻富貴念昔時城東雪中跡

題四弟以道橫軸畫

黃葉滿青山枯蒲靜寒水鳧鴈下坡塍牛羊散墟里擔穫  
莫來歸兒迎婦窺離虎頭無骨相田野有餘思

同畢公叔飲城東

西城昔相值桃初兩三紅翩翩鶯長陌春風搖馬鬣後君  
歸幾日游絮已濛濛解鞍不待憩相命古原東芍藥雖俗  
花狂姿幸時供平生於知己千過不一逢感君欲開口清  
澆出霑曾君如陶淵明不爲五斗恭胡爲青綸上朱墨紛  
外蒙棄官能從我短後追田翁銅斗釀秫麥竹枝弋鳧鴻  
何必悲無衣緼賡聊御冬九辯太高潔五噫苦羈窮置此  
無滑和天情反其中市藥非市名名聞藥何庸十漿饋五  
漿猶畏聞者從如何鄴城畔夜夜生長虹

次韻四弟以道十二弟叔與法王唱和兼示死數弟

二首

少時勇遊山說山喜動色中年謫南方盧阜得窅歷當時

不類謫忘腰帶之適怪人肝鬲異破賊喜折屐只今窳林  
下織衣而耕食緬懷茲兩士吾宗氣相得吾春種桃時子  
曉萼嵩日似聞黃面子爲採烏頭出去年陟岱宗一士世  
莫識天門邀之下傾倒意已極斯人與人異龍虎兩超忽  
重尋亦無路顛雨石崖坼

吾人伯仲間一語可物色氣自寡所諧窮乃足所歷家風  
貌五世不肖適人適意行無險易又跣不著屐交詞如苦  
李慘腹人莫食猶矜不傳妙坐恐兒曹得學憐新又新老  
奈日復日伯以最恬愉何由採之出无數能寡言猶堪謝  
前識叔與氣尚豪搢頤視屋極斯文惡表襮枯魚戒所忽  
應如魯宮籀藏壁俟其坼

北京學直舍對客



鳥聲落簷間竹色在戶外解屣置几前放杖當椅背默然  
仰棟時往與古初會有時遺坐客十問不一對尚因呼乃  
覺笑自謝頑昧知非慕遽子事去等蜩蛻一生所未免飲  
食與眠睡所以更頽然可樂本非內有心欲何用橋起則  
形累賴客同門生曠蕩乃不愧

送君

送君上馬時不道朝鑪煥春風入木心皮膚發紅綠春風  
良易莫那得勤行路且莫望南窗胡蝶飛無數

上馬

上馬笑屬君歸期在十日來時草白芽歸時青鬱鬱來噴  
馬蹄急歸噴馬蹄緩人心自如此馬蹄終不變

贈文潛甥楊克一學文與可畫竹求詩

與可畫竹時曾中有成心經營似春雨滋長地中綠興來  
雷出土萬籟起崖谷君今似與可神會久已熟吾觀古管  
葛王霸在心曲遭時見毫髮便可驚世俗文章亦技爾詎  
可枝葉續穿楊有先中未發猿擁木詞林君張舅此理妙  
觀燭君從問輪扁何用知聖讀

補樂府三首

荳葉黃

兼葭蒼荳葉黃南村不見岡北村十頃疆東家車滿箱西  
家未上塲荳葉黃野離離鼠窟之兔入畦豕母從豚兒豕  
啼豚吟吟銜角復銜蕘荳葉黃穀又熟翁媪衰餽糜粥荳  
葉黃葉黃不獨荳白黍堪作酒瓠大棗紅皺荳葉黃穰穰  
何撫撫腰鎌獨健婦大男往何許官家教弓刀要汝殺賊

去

漁家傲

漁家人言傲城市未曾到生理自江湖那知城市道晴日  
七八船熙然在清川但見笑相屬不省歌何曲忽然四散  
歸遠處滄洲微或云後車載藏去無復在至老不曲躬羊  
裘行澤中

御街行

雙闕齊紫清馳道直如線煌煌塵內客相逢不相見上有  
高槐枝下有清漣漪朱欄夾兩邊貴者中道馳借問煌煌  
子中道誰行此且復就下論驄馬知雜事官早有常度那  
得行同路相效良獨難且復東西去

和關彥遠秋風吹我衣

海中羣魚化黃雀林鳥移巢避歲惡鄴王城上秋風驚昔  
時城中鄴王第只今蔓草無人行但見黃河咆哮奔碣石  
秋風吹灘起沙礫翩翩動衣裳游子悲故鄉忽憶若耶溪  
頭采薪鄭巨君南風溪頭曉北風溪頭昏一行作吏此事  
便廢夢中葉落覺有歸意歸歟歸歟吾黨成斐然君今生  
二毛我亦非少年胡爲車如鷄栖鄴城裏朝風吹馬鬣莫  
風吹馬尾與人三歲居如何連屋似千里我則不狂曾謂  
吾狂不吾知亦何傷安能戶三尺喙家一吮人亦有言人  
各有志吞若雲夢者八九長劔耿介倚天外有如陳仲舉  
庭宇亦不治吾乃今知貴不若賤無憂富不若貧無求負  
日之燠吾重裘芹子之飫吾食牛心戰故臞得道故肥吾  
封侯匹夫懷璧將誰尤歸歟歸歟豈無揚雄宅一區舍前

青山木扶疎舍後流水有菰蒲今我不樂日月除尺則不足寸有餘七十二鑽莫能免豫且無所可用乃有百歲樗龔生竟天天年非吾徒

### 開梅山

開梅山梅山開自熙寧之五年其初連峰上參天巒崖盤  
燾闕羣巒南北之帝鑿混元此山不圯藏雲煙躋攀鳥道  
出蒼蔚下視蛇脊相夤緣相夤緣窮南山南山石室大如  
屋黃閔之記盤瓠行跡今依然高辛氏時北有大戎寇國  
中下令購頭首妻以少女金盈斗遍國無人有畜狗厥初  
得之病耳婦以盤覆瓠化而走堪嗟吳將軍屈死斫斫口  
帝皇下令萬國同事成違信道不容竟以女妻之狗乃負  
走逃山中山崖幽絕不復人跡通帝雖悲息滂往求輒遇

雨與風更爲獨力之衣短後裾六男六女相婚姻木皮草  
實五色文武溪赤髀皆子孫侏離其聲異言語情黠貌癡  
喜安土自以吾父有功母帝女凌夷夏商間稍稍病侵侮  
周宣昔中興方叔幾振旅春秋絕筆逮戰國一負一勝安  
可數邇來梅山恃險阻黃茅竹箭霍霧雨南人顛踣斃溪  
弩據關守隘類穴鼠一夫當其阨萬衆莫能武欲知梅山  
開誰施神禹斧大使身服儒賓客盈幕府檄傳僞初疑叩  
馬卒歡舞坦然無障塞土石填溪渚伊川被髮祭一變卒  
爲今雖關梁通失制後誰禦開梅山開山易防獠難不  
如昔人閉玉關

### 富春行贈范振

錢塘江北百里餘漲沙不復生菰蒲沙田老桑出葉麤江

潮打根根半枯八月九月秋風惡風高駕潮晚不落鼓聲  
瑟瑟櫓咿啞爭湊富春城下泊君家茅屋並城樓不出山  
行不記秋越舶吳帆亦何故今年明年來復去

胡戢秀才效歐陽公集古作琬琰堂

君不見廬陵公往爲學士修書日詔畀千金訪遺逸遺文  
逸字往往出故都易姓幾兵火量罄鼎腹細詰詰道人响  
嶮空有聞丘陵仙鬼事恍惚共和十鼓記亡一嶧山肉在  
無復骨雲陽八體又瓜剖至使漢童訛尉律世儒詭正何  
足臧公家安取千軸藏仲尼猶及史之闕有馬借人吾敢  
忘題籤甲乙楨水陽後來胡君癖膏肓傾家自構琬琰堂  
搜羅近出補厥亡荒林圯冢見未嘗南觀禹穴計渺茫閉  
門睥睨在一牀常恨平生好古家無力騎馬蹊田觀斷刻  
中郎二字煩走驛率更三日勞野食長年囊褚况易擲兒  
作摹朱婦遮壁願從胡君可無有十百數中聊取仿胡君  
今逸民盱眙不見十五春坐令松槩老壯士朝廷豈無憂  
國人曩時豪氣今雖在會面只謀千日醉聽君汗漫馳古  
先世事無何付蟬蛻

黃河

黃河鬻小吳天漢失龜鼈靈原潭下藕爛死只有菖蒲不  
生節白馬橋邊迎送胡冀州斷道無來車新隄築得高帶  
嶼舊隄杵聲未可絕

酬李唐臣贈山水短軸

李爲刑曹社君章知賞

大山宮小山霍欲識山高觀石腳大波爲瀾小波爲淪欲  
知水深觀水津管丘於此意獨親杜侯所與復有人不見

李侯今五載苦向營丘有餘態齊統如雪吳刀裁小毫東  
筍縑囊開經營初似雲煙合揮灑忽如風雨來蒼梧決滌  
天無日深巖老樹洪濤入榛林闇漠猿狖寒苔蘚侵淫螺  
蚌溼紛紛禽散江干沙有風北來吹蒹葭前洲後渚相隨  
沒行子漁人歸徑失李侯此筆良已奇我聞李侯家朔壘  
跨河而北寧有之曷不南遊觀禹穴梅梁鏤澀萍滿皮神  
物變化當若斯元君畫史雖天與我論絕藝無今古張顛  
草書要劔舞得意可無山水助他日李侯人益慕

跋遮曲

君不見魯中羣兒歌跋遮跋遮跋遮何語耶吳歛越吟利  
不省恐自塞北傳胡笳跋遮胡爲樂中華試歌河漲水漸  
尖車河中耕泥春種麻麻生三歲不開花腰菱兩角黑如

鷓鴣漁父笑且語誰能跋遮舞君不見前年大旱河草黃草  
中魚子化飛蝗又不見往年大雨雨決渠渠中朽瓜生老  
魚蝗飛食場穀擊鼓頰趁撲我家家具如笱束今年梁山  
撓濁淤兒無鋤麻姑來漁荷鋤往賣鋤買網空市無丁丁  
斲船斲屋櫺艇子如星喚施鼠夜唱跋遮曲羣鳴起白鳧

贈戴嗣良歌時罷洪府監兵過廣陵爲東坡公出所  
獲西夏刀劔東坡公命作

三郎少日如乳虎代父搏賊驚山東硬弓長箭取官職自  
說九戰皆先鋒將軍拳勇饋不繼痛惜靈武奇謀空城頭  
柳榆下俛走壯士志屈羞填胷平生山西踏霜雪洪府下  
溼號兒童聞名未識二十載初見長揖東坡公鏡頭短後  
凜八尺氣似飲井垂檐虹只令不語當陣立望見已是千

夫雄往年身奪五刀劔名玉所擐犀札同晨朝攜來一府  
看竊指私語驚庭中紅粧擁坐花照酒青萍拔鞘堂生風  
螺旋鏗鏘波起脊白蛟雙挾三蒼龍試人一縷立禿魄戲  
客三招森動容東坡喜爲出好礪兆鴨綠石如堅銅收藏  
入匣人意定蛾眉稍進琉璃鍾太平君子尚小恙戒懼邾  
小母弄蜂舞干兩階庶可覩跳空七劔今何庸我爲蘇公  
起揚解雅歌緩帶聊堪同從公請礪歸作硯聞公嘗諫求  
邊功

茗雲行和於潛令毛國華

茗溪清雲溪綠溪水灣環繞天目山間古邑三百家日出  
隔溪聞打衙長官長髯帽烏紗不曾執板謁大尹醉卧紫  
蘭花影斜紫蘭花開爲誰好年年歲歲溪南道不見西陵

白髮人荆江夜雪唱陽春絕唱和者寡客醉聞之雙  
淚灑夜來魂夢海中山縹緲雲濤煙浪間雲濤煙浪不可  
渡睡覺秋風落桐樹秦吉了秦吉了言語無人會無人會  
得奈君何且向紫蘭花下醉

芳儀怨

事見續雜記

金陵宮殿春霏微江南花發鷓鴣飛風流國主家千口十  
五吹簫粉黛稀滿堂侍酒皆詞客拭汗爭看平叔白後庭  
一曲時事新揮淚臨江悲去國今公獻籍朝未央敕書築  
第優降王魏俘曾不輸織室供奉一官奔武彊秦淮潮水  
鍾山樹塞北江南易懷土雙燕清秋夢栢梁吹落天涯猶  
竝羽翰隨未是斷腸悲黃河應有却還時寧知翻手明朝  
事咫尺人生不可期蒼黃三鼓濔滄岸良人白馬今誰見

國亡家破一身存薄命如雲信流轉芳儀加我名字新教  
歌遣舞不由人採珠拾翠衣裳好淡紅退盡驚塵陰山  
射虎邊風急嘈雜琵琶酒闌泣無言徧數天河星只有南  
箕近鄉邑當時千指渡江來同苦不知身獨哀中原骨肉  
又零落寄詩黃鵠何當回生男自有四方志女子那知出  
門事君不見李君椎髻泣窮年丈夫飄泊猶堪憐

### 五丈渠

五丈渠河水齧堤三里餘懸流下噴水湧湍訛言相驚有  
怪物灤東漁子浮兩舸清晨徑流雙鬣搖驚人跳起橫觸  
鳥人鱗十尺長夭矯殺之信宿不敢言竝村稍稍聞者誼  
伐鱗剖肉擔揭去兩日一村猫犬餓夜來水泛州西原青  
青百頃白波翻里巫推變咎漁子豫且賊神實爲此此邦

一年不穀食賣魚取錢當常職聞道相家口津人無敢憑  
大魚死小魚靈

### 閻子常攜琴入村

閻夫子通古今家徒四壁猶一琴今年二月雨霖霖喜君  
寵麥如人溪屋間幽默咸池音高山流水我非聽聽我說  
君辛苦吟薛老村西十里地旱日燎原無柳林芒屨曳杖  
逐鎌籠當午未食饑燒心芸芸麥田翻黃波蝻蟲盤穗如  
蝸螺麥未收打催種豈屋下跡少田間多閻夫子時我過  
我與夫子良同科四體雖勤口舖衆煮豆然其窮奈何人  
謂君琴語辛苦此曲無奈傷天和君不見夫子宋園不糝  
猶弦歌

### 收麥呈王松齡秀才

晁莊寂莫依東山王莊負郭客往還東山刺薊深一尺負  
郭家近饒盤餐穿鞵戴笠隨麥隴旱日炎炎煙燎顏賤貧  
辛苦事當爾君屋鱗鱗三百間

飲城西贈金鄉宰韓宗恕

大夫盤中定州盞三舉檐花舞凌亂請君行盞且莫稽爲  
君起賦飲城西古道如澗滾東風吹沙不見林虛堂  
更覺野原濶榆柳浩浩波濤吟雜花一園來遠道兩株江  
南梅更好櫻桃已晚猶爛漫百株如雪聊可繞常時東風  
無此寒常時諸君無此閑且看瓶口似魚貫莫惜面文如  
纈斑大夫工爲宋玉賦息不能涯字無數秀才酷類東野  
貧白屋青山愁曲身籍咸不宥羞北阮主簿高材卽仇覽  
成詩午景已妍和罷酒花開應更多山翁歸不醉當奈峴

山何

和王仲甫病暑

吳邦憚暑如蜂蠶河曲還遭長日曬蔗漿金盃賴蠲煩內  
託潛陰數爲敗黃昏乍快風吹髮驅拊蚊虻坐明發青衫  
主簿氣如雲茂陵無事悲消渴望洋河伯何爲者兩涘無  
因辨牛馬何生狂夢涸歸墟喉舌湯湯未勞瀉能來一嗽  
華池津七椀清風立有神更尋齒下微妙訣遣君體適仍  
魂平案頭白紙如堆雪人事紛紛日將月與君未遇尤四  
時利害相磨生內熱

贈送張愈秀才

秋水幽幽濟河道君挂蒲帆若飛鳥西風黃葉帶公車鷄  
黍從君懷故廬男兒自有四方志世上相期獨榮利昔時



馬周徒步動天子君今有用當如此

李成季得閻子常古琴作

昔人流水高山手此意寧從絃上有閻侯卷舌卧閻里意  
向是中畱不朽似聞綠綺置牀頭暑雨東城無麥秋趙傳  
和氏為五日吳得湛盧當兩州李侯得意誇題柱成詩欲  
使邀諸路自有桓山石室彈溪屋時聞繭抽緒無琴尚可  
何獨絃要識精微非度數人生有累無非失我欲心灰木  
為質嬾從綴的自凝塵老向詩書逾愛日自言結習久難  
除猶理斷編尋止息焦城卜築近連軫歸約閻侯亦蕭瑟  
舊聞君祖課木奴試買瑕丘百株粟

同魯直文潛飲刑部杜君章家次封丘社觀仲韻

廷尉風流才絕塵最憐高髻歌陽春兩鬟亦解倚瑟語催

送花前紅袖舞黃張翰墨海內名席上生風清夏宇封丘  
自倚筆勢豪不怕當筵賦鸚鵡對酒含情古所憐樂事幾  
時如過雨阮公鑪邊不擬歸陸郎班騅無用嘶長燈照出  
簾幙外缺月墮落藩牆西斗酒雙魚何足貴李侯氣許山  
東吏正須新麵雜青槐千里紫尊江上來長舩刻玉流霞  
動快引不須帆櫓送自作新詩碧牡丹著擊盃翻釵墜鳳  
芍藥佳名聞昔人滿插不辭歸帽重倒牀任作鼻鳴雷屋  
上啼鳥還喚夢

贈麻田山人吳子野

余見待制李公誠之於汝上蘇密州在焉始聞子野名

汝陽我昔見蘇李人言吳子歸未幾長嘯春風大澤西却  
望麻田山萬里不逢鄭老溪上箭欲致朱公路傷米今年  
窮巷絲生髮馬尾吹風化衣袷定知赤鯉驚波濤何意黃

冠驚僕妾琅函萬過陰魄悲心無丹白鑑生兒山中種芝  
豈無侶成都醉眠未當去願從王烈或見呼試訪孫登竟  
無語棄家內愧非此流此身天地一虛舟未應齒豁塵埃  
裏乞與青精救白頭

送北京學生曹慈明秀才之京師

魏武子孫今寂莫唐來只有畫將軍鄴城初見黃須面尚  
喜登堂詞若雲乃公白首圖籍裏小心恐懼教其子文章  
錦心仍繡腑屠龍殫家安用許半年繫船康海門官忙不  
共持一樽岡頭梨花吹欲盡淮口汴流來正渾鄙夫日欲  
向吳越官滿一封飛魏闕著書虎觀未敢言蔽身蟬葉真  
癡絕

次韻和趙令僉防禦春日感懷

春勝雪消龜兆圻凍柳冰蒲俱好色走馬城東眼乍驚可  
憐前日非今日結交從古天地間百年誰見一人閒王城  
塵土化衣袷五鼓驅車休夜闌况我崎嶇二三子聖恩釋  
累從甌蠻雄豪久鍛酒量窄爽懦新長詩辭慳王孫物外  
有高興數攜王趙兩紅顏上書自去千牛衛挂席欲過三  
神山灰餘方烈竈下響霧廓初見岩中斑醉吟誰共可憐  
春江南太守舊詩人賡酬不減笙磬苔秀發更爲煙霞新  
萬卷藏書韋杜曲憶子陳詩一言足得意鱸魚故未饜多  
情桃葉應相逐努力閒平盛世名歸及春風雙鬢綠

漫成呈文潛

無心看春只欲坐偶騎馬傍春街行可憐愁以草得暖一  
寸心從何處生

十年閉戶不作舞爲客一整紅羅裙莫倚琵琶解寫怨朱  
簾垂下阿誰聞  
平時無歡苦易醉自怪飲樂顏先酡乃知醉人不是酒真  
是情多非酒多

吳松道中二首

停舟傍河澗四顧盡荒原日落孤鳴冢天寒犬吠村繫帆  
凌震澤捨雨入盤門悵望夫差事吳山闕楚魂  
曉路雨蕭蕭江鄉葉正飄天寒鴈聲急歲晚客程遙鳥避  
征帆却魚驚蕩槳跳孤舟宿何許霜月繫楓橋

濟州道中寄葉勛秀才

曉路入西郊新霜着鬢毛貧交借羸馬慈母授征袍野靜  
狐狸出天寒鴈鵠高艱難憶親舊清淚漬平皋

原上

閉門遺日月原上感年華久旱無場藿重陽有野花蕭蕭  
幾家靜脈脈一歧賒向晚悠然去秋風馬尾斜

同魯直和普安院壁上蘇公詩

畏暑聊尋寺追涼故遶池雨園鳩喚婦風徑燕將兒散篆  
縈簾額雷雲暗井眉龍蛇動屋壁知有長公詩

次韻鄧正字慎息秋日同文館

平生鄧夫子文墨晚相依臺閣佳聲在湖湘爽氣歸

再入詩誇束筍密髮歎耨苗稀勤苦千秋事川明水孕璣

雄淡張子句山水發天光黃鵠愁巖道玄龜困呂梁愛君

豪穎脫嗟我病愴囊驥尾何當附西風萬里長

蔡侯南國秀經緯耿昭回文史蛙生甌風雲螿起隈吾君

求助意之子爲時來萬縷防秋費何如一士才  
屬天啓  
氣入中秋勁更傳午夜長青燈蛾舞急白月鴈啼涼羈旅  
生來慣淹畱久却忘吟詩酬鄧子畢昂出東方

千秋嶺上

永日倦高躋盤回四望迷松根危抱石嶺路曲隨溪馬腹  
飛雲薄山腰過雨低陰崖不可度誰此構長梯

送會稽關彥遠罷官河北

君年長我二十五偶以氣同均弟彘三歲吹沙禹河曲一  
身飛艇越雲門未緣狗監知才思端向牛衣無涕痕秋月  
圓時應待我慧林孤磬澹朝暉

己酉六月赴上饒之謫醇臣以詩送行次韻畱別

小雅思深志不悲反騷未與昔人違五車謾苦君何益三  
徑都荒我未歸要過香鑪雙履步却從彭蠡一帆飛它年  
笑向張公子應帶煙霞滿客衣

魚溝懷家

生涯身事任東西藥笥書囊偶自賁柳嫩桑柔鴉欲乳雪  
消水動麥初齊沙頭晚日檣竿直淮上春風鴈鷺低歸去  
未應芳物老桃花如錦遍松溪

送曹子方福建轉運判官

談經草檄鬚華生初擁闔山傳節行江入桐廬青欲斷溪  
從劍浦碧來迎茶雖戶種租宜薄鹽不家煎價欲平要使  
祈招歌德意君恩不爲遠人輕

泗州王諫議明叟畱飲

雲水東遊蚤歲懷半生塵土却教回兩行堤柳關心在一

點淮山入眼來北省主人誇酒好南風稚子喜帆開揚州  
底事牽行色端爲瓊花芍藥催

灑池道中寄福昌令張景良通直

十年一夢間湖湘欲往從之道阻長可但知君愛彭澤不  
應言我薄淮陽馬穿峭底流泉白鳥下關頭落照黃愁作  
驛亭寒不寐懷人思古九迴腸

次韻鄧倅王征夫

函谷鷄鳴滿面塵夫君泛愛尚爲親清時有味俱吾黨黃  
髮相看更幾人物聖未驚翁喪馬世情應笑子知津似聞  
絕塞風沙苦只約觥船莫負春

雙軒孤坐寄曹南教授八弟

畏暑經旬不涉街雙軒孤坐壁生苔出簷碧筍猶爭長映  
丹榴故後開雙蝶風前愁夜去一蟬雨外送秋來曹南  
弟應相憶白首遷兄未放回

遊華嶽歸道中望仙掌

巖踏遍尋歸路仙掌依然在碧虛無限遊人重駐馬豈  
狂客倒騎驢挂圖天漢朝霞上落影秦關夕照餘千古  
心生纔一士可憐登覽盡丘墟希夷祠堂在觀中

罷蒲乾濠道中寄府教授之道弟

衝寒到郡待花開花未開時却遣回敢意三年客我隱只  
如千里訪君來二嶠穀擊何爲者五老雲霾安在哉更約  
劉詩猿虎谷它年重過埽莓苔

元符戊寅與无斃弟卜居緡城東述情

四海一居何處卜北窗祇取見家山要無名利來心曲便

有園林出世間，拙宦莫與三黜歎。老歸未厭百年閑，先君餘慶期之子。吾駕如今不可還。

次韻李鉅祥符軒

雲端紅粉拊雕欄，謝守綸巾語笑間。游客乍驚人外境，居僧初識面前山。暫來猶足留公賞，借與真堪著我頑。鈴閣多餘賓從少，誰教緝盜不曾閑。補之自謂

國子監莫歸

杖屨清晨往，縑囊薄莫歸。閑官廳事冷，蝴蝶上階飛。

答李令

知音慙李令，問我復何為。道義惟添睡，功名只有詩。

譙國嘲提壺

何處是壺鳥，荒園自叫春。夕陽深樾裏，持此勸何人。

陌上花

事見蘇先生詩

荆王夢罷已春歸，陌上花隨莫雨飛。却喚江船人不識，杜秋紅淚滿羅衣。

臨安城郭半池臺，曾是香塵撲面來。不見當時翠辮女，今年陌上又花開。

雲母蠻牋作信來，佳人陌上看花回。妾行不似東風急，為報花須緩緩開。

外舅杜寺丞永城守水作詩寄呈

雪消水動看通津，草長江南岸岸春。莫唱龍舟五更曲，揚州楊柳解愁人。

約李令

茆檐明月夜蕭蕭，殘雪晶熒在柳條。獨約城隅閑李令，一

孟山芋被離騷

和胡載

相逢樽酒未辭淡握手盱眙十載心車馬淒涼入夜別出門落月與橫參  
聞說歸心已浩然蘇門况有子雲屢廣文不去慙官長繫馬堂階要酒錢

題工部文侍郎周翰郭熙平遠二首

烈村半落楚江邊林外秋原雨外天誰倚竹樓邀大扁天  
此算色已蒼然

庭木落萬波秋說與南人亦自愁欲指吳松何處是一

征鴈海山頭

赴廣陵道中三首

醉卧符離太守亭別都絃筦記曾稱淮山楊柳春千里尚  
有多情憶小勝南都畱守使雙鬟勸酒小勝其字也

急鼓皦皦下泗州却瞻金塔在中流帆開朝日初生處船  
轉春山欲盡頭

楊柳青青欲哺鳥一春風雨暗隋渠落帆未覺揚州遠已  
喜淮陰見白魚

揚州雜詠

阜茨村南三里許春江不隔一程遙雙堤鬪起如牛角知  
是隋家萬里橋  
龍興寺裏青雲榦后土祠中白雪葩五百年間城郭改空  
雷鴨脚伴瓊花

宿采石追懷沈丘叔父同應詔渡此今二十七年矣

雞川集卷之二  
而叔父謝世補之方遠適泣涕成篇  
二十七年前應詔黃昏同上木蘭舟江山依舊人琴寂白  
昔南遷淚迸流

題廬山

南康南麓江州北五百僧房綴蜜脾盡是廬山佳絕處不  
知何處合題詩

遇赦北歸

山猶故險水猶奔無復前年濺淚痕自是人心隨境別櫓  
聲帆色盡君恩

皖口寄懷前太平守陳公度

龍舒人

常愛東陵早拂衣我行曾不叩荆扉憑君天柱峰頭望看  
我扁舟幾日歸

初望廬山

休說江南青未了一菴一徑可容身宦程正迫西風急未  
是廬山站足人

貴溪在信州城南其水西流七百里入江

玉山東去不通州萬壑千巖隘上游應會逐臣西望意故  
教溪水只西流

泊息禪寺呈廖明略其地蓋千越寺在琵琶洲上

遲君千越息禪寺彌月忘歸住翠嵐忽見琵琶洲上月始  
驚全室在天南

將行陪貳車觀燈

行歌紅粉滿城歡猶作常時五馬看忽憶使君身是客一  
時揮淚逐金鞍



栗區村與無駁別

十年投分皆卿相四海論心只弟昆老憶歸耕因隨牒春風揮淚栗區村

題穀熟驛舍二首

驛後新籬接短牆枯荷衰柳小池塘倦遊到此忘行路徙倚軒窗看夕陽

一官南北鬢將華數畝荒池淨水花埽地開窗置書几此生隨處便為家

道鄉詩鈔

鄒浩字志完常州晉陵人第進士為太常博士哲宗擢為右正言時廢孟后立賢妃劉氏浩切諫削官羈管新州徽宗立召還復官問諫草安在曰焚之矣退告陳瓘曰禍在此乎異日奸人妄出一緘則不可復辨也蔡京用事果為偽疏陷之遂謫衡州尋竄昭州五年得歸復直龍圖閣病卒高宗贈寶文閣直學士賜謚忠顯表歸後自闕小圃號曰道鄉故學者稱道鄉先生

秋蠅

秋風快如刀着木木欲折蕃鮮轉凄凄入眼無一悅青蠅獨何為飛鳴猶未滅造化本無私爾生亦偶竊念方三伏中日車午停轍下照人世間何異紅爐熱勁鳥倦戢翼樽

獸喘吐舌惟人於此時體懈劇疲奈虛堂幸可逃枕簟隨  
意設好睡邊韶同素懶嵇康埒更此值清涼酣寢謂須決  
雙睫纔欲交汗膚遭爾蓄營營不絕聲宛類讒口兩使我  
寢不安欲息還復拏况如一簞貧未能萬錢歆園蔬薦脫  
粟杯盤殊滅裂雙筋纔欲拈咀嚼遭爾餐適從何處來食  
飲汗脩潔使我味不甘欲嚙還復噎歐除付疲兵祇足增  
跛躓宜哉孫權彈爲爾情激切期望秋風回一掃無餘孽  
偶此延朝昏勿謂風不烈氣候侵凝凜龍蛇且藏穴爾形  
大豆然豈能堅如鐵

再酬仲孺

龍團方啓封數子已驚視端如肖壁人騎羊入城肆又如  
金谷姿不合樓前墜囊衣本酸寒茶具無一是紛紛詰鄰  
家浪欲學擁鼻秋穴輒雲雷秘惜乃天意未敢還巾車且  
集諸生試豈非今年芽歲月與君異直須如印刊詩驛軒  
來使念君才患多落筆有餘思盈編故可期河流幾時此  
君應嘲馬肝不食亦知味

次韻韓君表雪中感懷

龍衣不解顏憂民向來急天高委真符年豐兆原隰連山  
水氣昏過雲鴈聲溢先春凌馬奔投隙作塵入瀕竹乍蕭  
蕭驚風還汲汲頗輕花鬪狂宵共雨爭濕夜半回曉光木  
杪森鵠立開編適吾心鼓柅輟清集一飽儻可償萬事非  
所及想見秋稼前腰鎌尚青笠

仲益約遊延慶不至作此戲之

出門無他岐一徑指山麓餘寒弄晴陰浙瀝散輕玉我僕

亦賞心我馬亦飛肉回首幕中英文書正拘束

戲督潛亨作春羹

先生家中餘玉粒粉以為餅陪春羹春羹品物謝時味江  
流暖泛園中英晴窗對案忽舉首徑走長鬚呼友生襄陽  
大夫腹如鼎一著九牛猶未盈懽然放筯即過我自嘆珍  
庖逾大烹且言初意亦在我屬我府事雷西城先生飯不  
飯俗客若苦轉眄相倒傾東風雕剝物物好槎頭縮頸尾  
不頰藥苗蔬甲破土出似與米齊爭功名應憐十載瘦藜  
莧為我一除饑腸鳴

潛亨既見和再作此贈之

不作苟見如君平不以禮屈如樊英屢屢堅卧三十載凜  
凜風聲人自傾牆東牆西過高馬往往愧汗面發頰豈知

嗜欲極豺虎白晝擇肉無厭盈有時一飯稔奇禍他年五  
鼎還遭烹狡兔未滅黃犬在突兀上蔡空前城先生謝去  
既飽德鼓腹之趣終難名更要我輩集匙筯風雨不變如  
雞鳴自憐頭額乏奇表幾與齏鹽同此生不愁捩手遂傾  
覆只愁未至聞憂羨

嘲仲益

春時植蘭甚勤此新東軒遂悉鋤去或者訊  
笑則曰子將易竹於此作此戲之

低簷蔭茅竹陋如野人居夫子莞爾笑曰此真吾廬庭前  
鬱喬木庭後猶榛蕪芟劑隨手淨春蘭殖扶疎光影動窗  
几馨香襲文書皎然紉佩心邂逅同三閭爾來基構新百  
事凌往初突兀煥華屋茅竹掃莫餘雙楠庭之珍斬伐殊  
榮枯要知碧油幢特立當階除念念入勲業不與蓬華俱  
蘭雖不生門安能追誦劬剖琴如剖薪烹鶴如烹魚珠玉

道鄉詩錄  
抵飛鳥鉤鍾委洪爐逝矣覆轍存來車猶此涂尚欲取脩  
竹永以娛朝晡問竹竹無言冷風一虛徐

別零陵

零陵距中邦道阻五千里我以放逐來本非心樂只身止  
高山巔忽忽彌半禩人情久自親况復多可喜坐使故鄉  
念如火沃之水罪大不得留今茲動行李照州雖嶺南流  
寓蓋均耳儻未還庭闈在彼猶在此胡然當作離耿耿殊  
不已物我要兼忘咄哉從此始

詠路

赤路如龍蛇不知幾千丈出沒山水間一下復一上伊予  
獨何爲與之同俯仰

開彥和過桂州

人臣難有已况復顧其家忘家以徇國致主爲勛華割愛  
非不仁成功詎能加御史殿中傑指摘一作生疵瑕昔如  
鵠矯雲今如兔罹置省符到房陵驅逐殊喧譁卽日出門  
去形影自天涯羈凰攜衆雛驚散隨風沙渺漭失處所何  
由書報嘉君心固已定聞者空傷嗟

大雨中接憲使因成小詩呈陽先生

霜風折木雨如傾斂板泥中廝役并遙想先生鼓琴罷觀  
書正傍短燈檠

二月十五日朝拜建隆橋上偶作

單衣迎犯曉風清斗柄回南月尚明柳密行人看不見輪  
蹄相屬但聞聲

湖上雜詠

道鄉詩錄

荷葉如錢三月時幅巾藜杖一追隨爾來勝事知多少惟  
有風標公子知杜牧之以白鷺為風標公子

何處清風作晚涼解衣相與面滄浪青萍紫荇令人恨遮  
却琉璃萬頃光

華亭標格本青雲邂逅西湖秋復春作意一聲君會否鶴  
鸞集處是真人

疾病經旬厭藥杯喜君折簡徬湖來濃雲幾敗乃翁事賴  
有南風為約開

穰東驛壁間有詩因次其韻

箠轡驅馳長眼花更堪風雨作泥沙郵亭准擬一醉倒白

酒黃雞無處賒

早行

朝來由氣銳前程入馬蹄天形隨月見斗柄徬人低路轉  
纔縈白沙平豈辨泥露零欺鬢髮犬吠隔蒿藜恍惚南柯  
夢參差逢氏迷比經十里堠始報一聲鷄似脫關中日如  
趨圯下蹊脩真空有術習懶信無梯行李幾時北武當猶  
在西誰知貴公子角枕正清闈

順陽東山下小池

用西伏牛亭謝公定韻

行盡江山知幾重山前池沼尚殘紅塵埃滿眼欣相見駐  
馬垂楊夾岸風

將到均州

武當孤壘插天西一見都忘渴與饑倦客惟貪早休歇不  
知匏繫未成歸

入試院呈同事章顯父推官及監試柴承之朝奉

漢江洶洶不知休江上譙門鼓角秋匹馬崎嶇隨國事同心邂逅得儒流何妨蟋蟀牀頭急况是芭蕉雨脚收別乘端容共蕭散從今相與傲浮丘

鄰家集射

牆東金鼓不停聲知是將軍奕世孫莫浪鳴弓向飛鴈一年一度到中原

雨中

五月沉陰久不開冷風吹雨滿天街老農且莫愁蠶麥承相祈晴已宿齋

謝潛亨惠芸香紫桃

暑窗已覺書生蠹饑腹還驚雨後雷珍重先生解人意芸香桃實一時來

聞存之遊京師且邸報達官有薦之者

昨來不肖聽朝雞乞得真宮即日歸老衲蒲團閑共倚少師玉麈醉同揮誰知捷徑嵩山在未覺心馳魏闕非綠鴨陂中釣竿手只應從此叩黃扉

存之曾有詩云從來釣竿手不解叩黃扉

仁老寄墨梅

前年謫向新州去嶺上寒梅正作花今日霜縑玩標格宛然風外數枝斜

懷何伯震

我別家時君在牀後來南北兩相忘直饒伏枕到新歲也勝投身居瘴鄉孤節未嘗交世俗清貧何以度星霜皇天默相誰窺得看取他年吾道光

懷張晉卿

年少東鄰新親家奮然鱗鬣脫泥沙傳聞昨者數時弊想  
見邇來雙鬢華局上光陰聊鬪馬盃中意氣莫生蛇江鱸  
已過河鮑出准擬從君烹荻芽

又得敷文書

一封黃勅下天關嶺表湖南釋舊跽吏部回頭真可笑拾  
遺作伴竟同還張公洞裏花流水揚子江邊雪滿山更約  
居多暇日相從莫遣鬢毛斑

送王裘仲侍親赴闕

榻初相得膏車忽起行秋風無限事春酒不勝情原憲  
荷曾病豈明竟有聲從容湖上語它日看功成

淮海集鈔

廿九

秦觀字少游一字太虛揚州高郵人豪雋慷慨溢於文  
詞舉進士不中盛氣好奇讀兵家書見蘇軾於徐爲黃  
樓賦軾以爲有屈宋才介其詩於王安石亦謂清新如  
鮑謝軾勉以應舉爲親養始登第筮仕元祐初軾以賢  
良方正薦於朝除秘書正字兼國史院編脩官日有研  
墨噐幣之賜紹聖初坐黨籍出判杭州以增損實錄貶  
監處州酒稅使者承風旨伺過失無所得則以謁告寫  
佛書爲罪削秩編管橫州徙雷州徽宗放還至藤州出  
遊華光亭爲客道夢中長短句索水飲笑視水而卒朱  
子謂渠詩合下得句便巧呂居仁云少游過嶺後詩嚴  
重高古自成一家故當時於蘇門並稱秦晁晁以氣勝

則灑行而新崛秦以韻勝則追琢而淳泓要其體格在  
伯仲而晁爲雄大矣

泊吳興觀音院

金刹負城闔閭然美栖止卞山直穹窿若水相依倚霜檜  
鬱冥冥海棕鮮疑疑廣除庇夏陰飛棟明朝晷溪光見鷺  
邊天色菰蒲裏緒風傳晝焚壁月窺夜禮洩雲葦層空規  
荷鑑幽泚舳艫煙際下鍾磬林端起聲牙戲清溪嗽峯撲  
空紫所遇信悠然此生如寄耳志士耻溝瀆征夫念桑梓  
攬衣軒楹間歎歌何窮已

田居四首

鷄號四鄰起結束赴中原戒婦預爲黍呼兒隨掩門犁鉏  
帶晨景道路更笑喧宿潦濯芒屨野芳簪髻根霽色披宵  
靄春空正鮮繁辛夷茂橫草錦雉嬌空園少壯已雲趨於  
傳尚鴟蹲蟹黃經雨潤野馬從風奔村落次第集隔塍致  
寒暄眷言月占好弩力競晨昏

入夏桑柘稠陰陰翳虛落新麥已登場餘蠶猶占箔隆曦  
破曾陰霽霽收遠壑雌蜺卧淪漪鮮飈泛藁薄林深鳥更  
鳴水漫魚知樂羸老厭煩歎解衣屢盤礴蔭樹濯涼颺起  
行遺帶索家婦餉初還丁男耘有託倒筒備青錢鹽茗恐  
垂橐明日輸絹租鄰兒入城郭

昔我蒔青秧廉纖屬梅雨及茲欲成穗已復頽星暑遲暮  
易昏晨搖落多砧杵村迥少過從客來旋炊黍興發卽杖  
藜未嘗先處所褰裳涉淺瀨矯首沒孤羽藁祠土鼓悲野  
埭鷓雞舞雉子隨販夫老翁拜巫女辛勤一作難稼穡事惻



滄田疇語得穀不敢儲催科吏傍午  
嚴冬百草枯鄰曲富休暇土井時一汲柴車久停駕寥寥  
場圃空跼跼鳥翥下孤榜傍橫塘喧春起旁舍田家重農  
隙翁嫗相邀迓班坐醜酒醪一行三四謝陶盤奉旨蓄竹  
筴羞雞炙飲酣更獻酬語闕或悲咤悠悠燈火暗刺刺風  
颺射客散靜柴門星蟾耿寒夜

富疑作當

寄題傅欽之草堂

河陽有沃流經營太行根盛德不終晦發爲清濟源斯堂  
濟源上太行正當門仰視浮雲作俯窺流水犇脩竹帶藩  
籬百禽鳴朝暾相望有盤谷李愿故居存主人國之老實  
惟商巖孫班行昔供奉亟進逆耳言天子色爲動羣公聲  
亦吞蕭條冰霜際不改白玉温出處士所重其微難具論

公勿思十堂朝廷待公尊

次韻邢敦夫秋懷十首

以微雲淡河漢疎雨滴梧桐爲韻

驅車陟高丘却望大梁圻馳道入雙闕勾陳連太微夷門  
壯下屬清洛相因依美哉吾黨士臯良良可希  
暮有二客至俱以能禪聞一枝惠林出一派智海分言各  
不相可往來劇絲棼謝客姑舍是妨余醉看雲  
昔者曾中書門戶實難職筆勢如長淮初源可觴濫經營  
終入海欲語焉能暫斯人今則亡悲歌風慘澹  
渤海有巨鼇其顛冠峩峩宿昔常小抃八絃相盪摩忽遭  
龍伯人一舉空潮波取皮煎作膠清此崑崙河  
蝮蛇初螫手壯士斷其腕豈不悲毀傷所卹在軀榦西羗  
沙鹵地置戍或煩漢雞肋不足云何瞞妙息算

湯湯辟靡流中有學子居但說若稽古言猶三萬餘來者  
轉相祖詞林日凋疎稍喜績溪令入校天祿書  
匠氏構明堂百材入斤斧儻非豫章棟冗長亦焉取英英  
范與蘇器識兼文武胡爲先一州不用作霖雨  
憬彼高句麗來脩裔夷職天都富如海勞汝送涓滴軸艦  
尾相銜遠近困供億止沸當絕薪揚湯百無益  
祖宗舉賢良充富多名儒執事惡言者此科爲之無雖有  
仲舒錯或橫江潭魚果欲鳴鳳至還當種椅梧  
邢侯秋臥疴揮毫見溪衷賡者二三子翕然笙磬同不爲  
兒女姿頗形四方風屬有山水念因之絲與桐

春日雜興十首

飄忽星氣徂青陽迫遲暮鳴飛各有適赤白紛無數雨砌

墮危芳風軒納飛絮寒帷香霧橫岸憤雲峰度林影舞窸  
扉池光染衣履參差花鳥期蹭蹬琴觴趣撫事動幽尋感  
時遺近慕秣馬膏余車行行不周路

結髮謝外好僂俛希前修繆挾江海志耻爲升斗謀齟齬  
難刻畫賤貧多釁尤發軔背伊闕解驂憩邗溝丹鉛費永  
晷麴蘖毆深愁壁月鑿簾櫳珠星絡梧楸泯泯渠水駛霏  
霏花霧浮公子悵何許撫膺徒離憂

潭潭故邑井猗猗上宮蘭不食自清潔莫服更幽閒志士  
耻弱植卷跡甘飢寒佳晨追長靄觸物懸悲端川途眇回  
遠經歲曠音翰豈不慕裘馬詭得非所安蟬冕多林迫繩  
樞渺憂患枉尋竟何補方枘誠獨難

吳會雖褊小海濱富奇峰天雞一號叫劔戟明遙空谿谷

相徑復溪林杳攢叢猿吟虎豹啼雲氣迷西東中有避世  
士超然閱孤蹤被蘭服明月起坐松聲中夜鍛吸沆瀣朝  
琴庇青葱騎星友元氣集許安可同俛眄區中人飛埃集  
毛鋒問津或不繆從子遊鴻蒙

東方有美人容華茂春祭抱影守單棲含睇理哀彈聲意  
一何切所歡邈雲漢徒然事膏沐孰與徂昏旦微誠浪自  
持嘉月忽復晏巧轉度虛樞飛紅觸幽幔歲歲芳草滋夜  
夜明星爛合并會有時索居不必歎

寢瘵倦文史駕言從遨嬉颺風舉遙淑規日麗清漪含桃  
粲朱實杜若懷碧滋娉娉弱絮墮圍圍文魴馳明霞廓遠  
矚哀禽攬離思縹草天際合孤雲川上移寬閒絕輪鞅重  
復多路岐信美難久佇歸歎從所治

昔我遊京室交通五陵間主客各英妙袍馬相追攀千金  
具飲啜百金顧吹彈纓弁羅廣席當頭舞交竿鮮粧耀淥  
酒采纈生風灩燈燭暗夜艾士女紛相班歡娛易徂歇轉  
盼如飛翰疊疊負孤願離離銜永歡山鳥窺茗飲簷花笑  
蔬殮棄捐勿重陳事定須蓋棺

客從遠方來遺我昭華管吹之動人心異境生虛窾礧礧  
青嶂橫泱泱春溜漸馬蹄交狹邪車轂錯平坦士女競芳  
辰禽魚蔭修竿依微認睇笑凌波見纖短停吹歛泯滅耽  
耽復空館靈物信所珍顧恨知音罕

桃李用事辰鮮明奪雲綺繁華一朝去默默慚杞梓時徂  
鷹化鳩地遷橘爲枳獨有羨門生後天猶不死猶一作常  
藝籍燔祖龍斯文就淪喪帝矜黔首愚諸雋一作出相望

楊馬操宏綱韓柳激頽浪建安妙謳吟風緊亦超放玉繩  
帶華月艷艷青冥上奕世希末光經緯得無妄兒曹獨何  
事詆斥幾覆醬原心良自誣猥欲私所尚螳螂拒飛轍精  
衛填溟漲咄咄徒爾爲車海固無恙鷓鴣日彫滅黃口紛  
冗長投袂睇層霄茲懷誰與亮

同子瞻端午日遊諸寺賦得深字

太史抱孤韻暢懷在登臨別乘慙鄒枚佳辰事幽尋參差  
水石瘦窈窕房櫳深清磬發疎箔妙香橫素襟復登翠堵  
坡環回矚嗽峯雙溪貫城郭暝色帶孤禽涼颺動爽籟薄  
雨生微陰塵想澹清漣牢愁洗芳斟揮筵訂往古援毫示  
來今悔無刻燭斂續此金玉音

寄陳季常

一鉤五十牯始具任公釣揭竿趣灌瀆與爾不同調先生  
本西蜀俠氣見英妙哀憐世間兒細黠似黃鶴侍童雙擢  
玉鬢髮光可照駿馬錦障泥相隨窮海嶠平生攜手好十  
七登廊廟小生相吏耶徒枉尺書召暮年更折節學佛得  
心要鬻馬放阿樊幅巾對沉燎泠泠屋外泉兀兀原頭燒  
欲知山中樂萬古同一笑

送少章弟赴仁和主簿

我宗本江南爲將門列戟中葉徙淮海不仕但潛德先祖  
實起家先君始逢掖議郎爲名士余亦忝詞客風流以及  
汝三通桂堂籍汝弱不好弄文章有新格久從先生遊術  
業良未測武林一都會山水富南國下有賢別駕上有明  
方伯于將入砥礪驥裘就銜勒勿矜孔鸞姿不樂棲枳棘

吳中多高士往往寄老釋辯才雖物化參寥猶夙昔投閒  
數訪之可得三友益少來輕別離老去重乖隔念汝遠行  
役惘惘意不懌道山雖云佳久寓有飢色功名已絕意政  
苦婚嫁迫終從大夫議稅駕邗溝側追蹤漢兩疎父子老  
阡陌

送李端叔從辟中山

人畏朔風聲我聞獨寬懷豈不知凜冽爲自中山來端叔  
天下士淹留蹇無成去從中山辟良亦慰平生與君英妙  
時俠氣上參天孰云行半百身世各茫然當時兒戲念今  
日已灰死著書如結瘡聊以忘憂耳駸駸歲邁盡淮海歸  
無期功名良獨難雖成定奚爲念君遠行役日夜憂反側  
攬衣起成章贈以當馬策

次韻夏侯太沖秀才

儒官飽閒散室若僧房靜北窓腹便便支枕看斗柄或時  
得名酒停午猶中聖醒來復何事秉筆賦秋興焉知懶是  
真但覺貧非病茫茫流水意會有知音聽鐘鼎與山林人  
生各天性

雷陽書事三首

駱越風俗殊有疾皆勿藥束帶趨祀房瞽史巫紛若絃歌  
薦繭栗奴主洽觴酌呻吟殊未央更把雞骨灼  
一笛一腰鼓鳴聲甚悲涼借問此何爲居人朝送殤出郭  
披莽蒼磨刀向猪羊何須作佳事鬼去百無殃  
舊傳日南郡野女出成羣此去尚應遠東門已如雲蚩氓  
託絲布相就通慇懃可憐秋胡子不遇卓文君

海康書事十首

白髮坐鉤黨南遷海瀕州灌園以餬口身自雜蒼頭籬落  
秋暑中碧花蔓牽牛誰知把鉏人舊日東陵侯  
荔子無幾何黃柑遽如許遷臣不惜日恣意移寒暑層巢  
俯雲木信美非吾土草芳自有時鴨鵝何關汝  
卜居近流水小東依嶽岑終日數椽間但聞鳥遺音鑪香  
入幽夢海月明孤樹鷓鴣一枝足所恨非故林  
培塿無松柏罵言出焉遊讀書與意會却掃可忘憂尺蠖  
以時訓其信亦非求得歸良不惡未歸且淹留  
粵女市無常所至輒成區一日三四遷處處售鰕魚青裙  
脚不襪臭味猿與狙孰云風土惡白州生綠珠  
海康臘已酉不論冬孟仲殺牛撾祭鼓城郭爲沸動雖非

堯曆頌自我先人用大笑荆楚人嘉平獵雲夢

粲粲菴摩勒作湯美無有上客賦驪駒玉奩開素手那知  
蒼梧野棄置同芻狗荆山玉抵鵲此事繇來久  
裔上桑柘稀蠶月不紡績吳紵與魯縞取具綱船客一朝  
南風發家室相咻迫半賈鬻我藏倍稱還君息  
一雨復一暘蒼茫颶風發怒號兼晝夜山海爲顛蹶云何  
大塊噫乃爾不可遏黎明衆竅虛白日麗空濶  
合浦古珠池一熟胎如山試問池邊蟹云今累年閒豈無  
明月珍轉徙溟渤間何關二千石時至自當還

馬上口占二首

向晨結束事長途利風括面冰在鬚岡窮得水馬不進霧  
暗失道人相呼悠悠旁舍見汲井軋軋隔林聞輓車遊目

騁懷自可樂勿憶鄉縣增煩紆  
霜風稜稜萬木枯梅花破萼猶含鬚田家往往事遊獵道  
逐狐兔相號呼微茫山中起狂燒隱約林梢低日車馬頭  
漸覺有佳趣勿厭阡陌多繁紆

和黃法曹憶建溪梅花同參寥賦

海陵參軍不枯槁醉憶梅花愁絕倒爲憐一樹傍寒溪花  
水多情自相惱清淚班班知有恨恨春相逢苦不早甘心  
結子待君來洗雨梳風爲誰好誰云廣平心似鐵不惜珠  
璣與揮掃月沒參橫畫角哀暗香銷盡令人老天分四時  
不相貸孤芳轉盼同衰草要須健步遠移歸亂插繁華向  
晴昊

題驀裏圖

雙瞳夾鏡權協月尾鬣蕭森澤於髮鞍銜不施韁復脫旁  
無馭者氣騰越地如砥平丘隴滅天寒日暮抱飢渴驥首  
號鳴息一發超軼絕塵入恍惚東門金鑄久銷歇曹霸丹  
青亦云沒賴有龍眠戲揮筆眼前時見千里骨玉臺闔闔  
相因依嗟爾龍媒空自奇鸞旗日行三十里焉用逐風追  
電爲

以蓴薑法魚糟蟹寄子瞻

鮮鯽經年漬醯醢團臍紫蟹脂填腹後春蓴苗滑於酥先  
社薑芽肥勝肉鳧卵纍纍何足道飢餒盤殮亦時欲淮南  
風俗事瓶罌方法相傳爲旨蓄魚鱸蜃醢薦籩豆山蔴溪  
毛側蒙錄輒送行庖當擊鮮澤居備禮無麋鹿

輦下春晴

樓闕過朝雨參差動霽光衣冠紛禁路雲氣繞宮牆亂絮  
迷春濶薦花困日長經旬牽酒伴猶未獻長揚

睡起

睡起東軒下悠悠春緒長爬搔失齒嚼欵欠墮危芳蛛網  
留晴絮蜂房受晚香欲尋初斷夢雲霧已冥茫

對淮南詔獄

淮海行搖落文書亦罷休風霜欺獨宿燈火伴冥搜笳動  
朱樓曉參橫粉蝶秋更拚飛鏡破應得大刀頭

次韻答米元章

嗜好清無滓周旋粲有文揮毫春在手岸憤海生雲花鳥  
空撩我尊鱸正屬君惟應讀雌蜺差不愧玉筠

宿參寥房

鄉國秋行暮房櫳日已暝驚風多犯竹破月不藏星鉤箔  
簷花動抄書燭燼零非關相見喜自是眼長青

次韻傳道自適兼呈都司芸叟學士

楚國陳夫子周南頗滯留弊袍披槁葉瘦馬兀扁舟藥餌  
過三伏文書散百憂何人共禪悅居士有浮休

遊龍門山次程公韻

路轉橫塘入亂峰遍尋瀟洒興無窮樓臺特起喧卑外村  
落隨生指點中溪傍五雲清返玉松分八面翠成宮歸途  
父老欣相語今日程公昔謝公

遊龍瑞宮次程公韻

靈祠真館闕山隈形勢相高對越臺莓徑翠依屏上轉藕  
花紅繞鑑中開鶴啣寶箭排煙去龍護金書帶雨來夾道



萬星攢騎火滿城爭看使君回

次韻朱李二君見寄二首

東阡北陌坐淹時偶爲高風振羽儀十丈蓮花開處遠三年楮葉刻成遲鬢毛但速安仁老錢粟難輸曼倩飢尚賴故人遙省憶發揮春色有新詩

萬古流空一鳥沈衣冠常苦事違心七行俱下知君舊四者難并笑我今梅已偷春成國色雲猶憑臘造天陰美人綠綺煩遙贈莫致南金增永吟

寄題倪敦復北軒

倪郎才韻照水壺北向開軒頗自娛簷度蕙風鳴鵲壁經梅雨畫蠖蟪觥籌交錯銀河挂文史縱橫角簟鋪官舍私居同是漫莫嗟三徑就荒蕪

次韻子由題平山堂

棟宇高開古寺間盡收佳處入雕欄山浮海上青螺遠天轉江南碧樹寬雨檻幽花滋淺淚風卮清酒漲微瀾遊人若論登臨美須作淮東第一觀

次韻子由題摘星亭

迷樓舊址

巖崿左右兩招提中起孤高雉堞西不見燒香成宿霧虛傳裁錦作障泥螢流花苑飛星亂蕪滿春城綠髮齊長憶凭欄風雨後斷虹明處海天低

次韻子瞻贈金山寶覺大師

雲峰一變隔炎涼猶喜重來飯積香宿鳥水干迎曉鬧亂帆天際受風忙青鞋踏雨尋幽徑朱火籠紗語上方珍重故人敦妙契自憐身世兩微茫

遊鑑湖

畫舫珠簾出繚牆天風吹到芰荷鄉水光入座杯盤瑩花  
氣侵人笑語香翡翠側身窺綠酒蜻蜓偷眼避紅粧葡萄  
力緩單衣怯始信湖中五月涼

春日寓直有懷參寥

觚稜金爵自岩巖藏室春深更寂寥捫蝨幽花歛露葉岸  
巾高柳轉風條文書几上鬢髯變鞍馬塵中歲月銷何日  
一筇江海上與君徐步看生潮

顯之禪老許以草菴見處作詩以約之

椽葉岡頭釋馬銜區中奇觀得窮探崖空飛鼠聲相應江  
靜羣峰影倒涵居士碧雲裁秀句道人哀玉扣清譚偶成  
二老風流事不是三乘宿草庵

和孫莘老遊龍洞

葦蕭傳火度冥冥乍入清都醉魄醒草隱月崖垂鳳尾風  
生陰穴帶龍腥壁間泉貯千鍾碧門外天橫數尺青更欲  
仗筇留頃刻却疑朝市已千齡

西城宴集元祐七年三月上巳詔賜館閣官花酒以

中澣日遊金明池瓊林院又會於國夫人園會者

二十有六人二首

春溜泱泱初滿池晨光欲轉萬年枝樓臺四望煙雲合簾  
幕千家錦繡垂風過忽聞花外笑日長時奏水中嬉太平  
誰謂全無象寓在羣仙把酒時

次王敏中少監韻

宜秋門外喜參尋豪竹哀絲發妙音金爵日邊棲壯麗彩  
虹天際卧清深已煩逸少書陳迹更屬相如賦上林猶恨

真人足官府不如魚鳥自飛沈

次王仲至侍郎韻

寄新息王令藏春塢

令尹才高寺爲空歲時行樂與民同旋開小塢藏春色更  
製新聲寫土風客向樽前忘爾汝路穿花去失西東無言  
媿女今焉在桃李相傳恨未窮

寄題趙侯澄碧軒

風流公子四難并更引清漪作小亭潤及玉階春漲雨光  
浮藻井夜涵星捲簾几硯成圖畫倚檻鬢髮入鏡屏何日  
解衣容借榻卧聽螭口瀉泠泠

寄張文潛右史

解手亭臯纔幾月春風已復動林塘稍遷右史公何秦初  
閱除書國爲狂日出想驚儒發冢風行應罷女爭桑東坡

手種千株柳聞說邦人比召棠

次韻太守向公登樓眺望二首

茫茫汝水抱城根野色偷春入燒痕千點湘妃枝上淚一  
聲杜宇水邊魂遙憐鴻隙陂穿路尚想元和賊負恩粉堞  
女牆都已盡恍如陶侃夢天門

庖煙起處認孤村天色清寒不見痕車網湖邊梅濺淚壺  
公祠畔月銷魂封疆盡是春秋國廟食多懷將相恩試問  
李斯長嘆後誰牽黃犬出東門

寄錢節

時節出爲揚州從事新錄兼簡參寥

論月柴門不浪開命車良爲故人來茫然極目春千里尚  
想愁腸日九迴綠水池邊聊復爾黃梁枕上信悠哉何時  
共約參寥子自擷青菁作飯材

贈劉使君景文

落落衣冠八尺雄，魚符新賜大河東。  
穰苴兵法由司馬，曹植詩原出國風。  
拈筆古心生篆刻，引觴俠氣上雲空。  
石渠病客君應笑，手校黃書兩鬢蓬。

答龔溪之

深巷茅簷日漸長，卧看花鳥競朝陽。  
惜無好事攜樽酒，賴有鄰家振燭光。  
尚友頗存書萬卷，封侯正闕木千章。  
錯刀錦段相仍至，小子都忘進取狂。

答曾存之

環堵蕭然汝水隈，孤懷炯炯向誰開。  
青春不覺書邊過，白髮無端鏡上來。  
祭竈請鄰聊復爾，賣刀買犢豈難哉。  
故人休說封侯事，歸釣江天有舊臺。

次韻裴仲謨和何先輩

汝南古郡寡參尋，兀兀長如鶴在陰。  
支枕星河橫醉後，入簾風絮報春深。  
青山未落詩人手，白髮誰知國士心。  
多謝名郎傳綠綺，愧無佳句比南金。

次韻劉遜父以寧齋詩二軸作以還之

揚舲偶過海邊州，一見名郎破百憂。  
荀氏諸龍俱俊偉，河東小鳳最風流。  
明珠白壁堪投報，細草幽花入獻酬。  
別駕舊齋何足念，文昌新府待公遊。

次韻宋履中近謁大慶退食館中

翠華初到殿中間，三館諸儒共一班。  
迎謁曉廷清蹕近，退穿春仗綵旛閒。  
病來怕飲東西玉，老去慚陪大小山。  
知續春明退朝錄，借觀當奉一鷓還。

與鄧慎思沐於啓聖遇李端叔

羸兵瘦馬犯黃塵自笑區區夢裏身不是對花能伏老自  
緣無酒可澆春校書天祿陪羣彥晞髮陽阿遇故人三百  
六旬如此少更添香火坐逡巡

會蓬萊閣

冠裳蓋坐灑清風軒外時聞韻籟龍人面春生紅玉液銀  
盤煙覆紫駝峰天涵秋色山山共樹攪鄉思葉葉重更欲  
買船江北去爲懷明德更從容

與李端叔遊智海用前韻

點目誰能化兩龍超然相見古人風紅塵稍與僧家遠白  
髮偏於我輩公休計浮名千載後且欣湯餅一杯同何時  
並築邦溝上引水澆花半畝宮

九月八日夜大風雨寄王定國

長年身外事都捐節物驚心一悵然正是山川秋入夢可  
堪風雨夜連天桐梢撼撼增悽斷燈燼飛飛落小圓滌洗  
此情須痛飲明朝試就酒中仙

寧浦書事六首

揮汗讀書不已人皆怪我何求我豈更求榮達日長聊以  
銷憂

魚稻有如淮右溪山宛類江南自是遷臣多病非干此地  
煙嵐

南土四時盡熱愁人日夜俱長安得此身如石一齊忘了  
家鄉

洛邑太師奄謝龍川僕射云云他日歸然獨在不知誰似

靈光

身與杖藜爲二對，月和影成三。骨肉未知消息，人生到此何堪。

寒暑更拚三十同歸滅，盡無疑。縱復玉關生入，何殊死葬。

泗州東城晚望

渺渺孤城白水環，舳舻人語夕霏間。林梢一抹青如畫，應是淮流轉處山。

次韻參寥見別

爐香冉冉紆寒穗，篝火熒熒擢夜芒。預想江天回首處，雪風橫急雁聲長。

春日五首

幅巾投曉入西園，春動林塘物物鮮。却憩小亭纔日出，海棠花發麝香眠。

一夕輕雷落萬絲，霽光浮瓦碧參差。有情芍藥含春淚，無力薔薇卧曉枝。

袂衣新著倦琴書，散策池塘返照初。翠碧黃鸝相續去，苜蓿深處見遊魚。

春禽葉底引圓吭，臨罷黃庭日正長。滿院柳花寒食後，旋鑽新火熱爐香。

金屋舊題煩乙子，蜜脾新採賴蜂臣。蜻蜓蛺蝶無情思，隨例顛忙過一春。

秋日三首

霜落邗溝積水清，寒星無數傍船明。菰蒲深處疑無地，忽

有人家笑語聲

月團新碾滄花羹飲罷呼兒課楚詞風定小軒無落葉青

蟲相對吐秋絲

連卷雌蜺挂西樓逐雨追晴意未休安得萬粧相向舞酒

酣聊把作纏頭

春日偶題呈錢尚書

三年京國髻如絲又見新花發故枝日典春衣非爲酒家

貧食粥已多時

題柳陽道中古寺壁二絕

門掩荒寒僧未歸蕭蕭庭菊兩三枝行人到此無腸斷問

爾黃花知不知

哀歌巫女隔祠叢飢鼠相追壞壁中北客念家渾不睡荒

山一夜雨吹風

幽眠

幽眠起常晚冬暑復不長中間數十刻倏如驚燕翔晨食  
粗云聒申鼓鳴相望忽忽竟何就念之動中腸天地一逆  
旅死生猶轉商暫來旋云去遲速乃所常較計亦何補徒  
歎費慨慷不知聽兩行一槃付酒觴北風吹老槐白日轉  
紙窗布衾一覺睡身世成渺茫宿莽冬不衰蘭茝幽更芳  
無庸傷局促速此鬢髮霜

隕星石

蕭然古丘上有石傳隕星胡爲霄漢間墜地成此精雖有  
豎白姿塊然誰汝靈犬眠牛礪角終日蒙羶腥疇昔同列  
者到今司賞刑森然事芒角次第羅空青俛仰一氣中萬

化無常經安知風雲會不復歸青冥

山陽阻淺

一日行一尺十日行一丈豈不歎淹留所幸無波浪悲風  
動淡夜原野眇森爽青天行蟾蜍枯水轉魍魎此時蓬葦  
下去心劇於廢棄置勿復論通塞如反掌

次韻參寥草老

迅風薄高林萬象號虎豹紛披枳與棘爾復鼓狂鬧我垣  
旣已頽我棟又以撓豈無一木支橫力難與較黎明忽自  
罷晴日射魚鱗死水失狂瀾衰木回故貌勞生真夢事往  
趨如睡覺炊黍焚黃鵠吾其理歸棹

送洪景之循州參軍

寒梅不自重輒花桃李先縮衽有佳菊最後衆芳妍各因  
一時美難以相嗤憐物理固若是士林亦宜然夫子南國  
俊聲猷推妙年數奇晚方偶參軍古龍川龍川雖云遠風  
物號清鮮羅浮不相下頡頏颯荒天雲鬢二三子聊足奉  
周旋行矣試老拳歸歟遠翔騫

茶

茶實嘉木英其香乃天育芳不愧杜蘅清堪揜椒菊上客  
集堂葵圓月探奩盞玉鼎注漫流金碾響杖竹侵尋發美  
鬯荷猗生乳粟經時不銷歇衣袂帶紛郁幸蒙巾笥藏苦  
厭龍蘭續願君斥異類使我全芬馥

贈張潛道

張生何爲者落魄不自拘獨攜三尺琴笑別妻與孥一來  
泊吾里忽已月再虛朝遊故人館暮止佛子廬雖無食羹



餘所樂常晏如我欲有所進生聞勿煩紆君子間有道不  
專塊然居無道祗淡適鳴戲亦已愚願生脫塵鞅從我滄  
海隅

秋夜病起懷端叔作詩寄之

寢瘵當老秋入夜庭軒空天光脆如洗月色清無縫風颭  
戾戾輕露氣霏霏重簷花伴徐步籠燭窺孤諷緬惟情所  
親佳辰誰與其夫子淮海英材大難爲用秉心旣絕俗發  
語自驚衆塵尾扣球琳筆端攢蟬螭雄淡迫楊馬妙麗該  
沈宋浮沉任朝野魚鳥御鯁鳳與時真楚越於我實伯仲  
爾來居邑鄰頗便書札貢上憑鴻雁傳下託鯉魚送二物  
或愆時已辱移文訟人生無根柢泛若凌波葑昧者復汲  
汲晨暝趨一闕陰持含沙毒射影期必中自匿媮母容對  
客施錦幪溘然一朝逝萬事俱成夢形骸猶汝辭勢利猶  
君動息之可太息傷之爲長慟所以古達人脫身事高縱  
我生尤不敏胷腹常空洞彊顏入規模垂耳受羈鞅行謀  
買竿棹名理就折衷但恐狂接輿煩君更嘲弄

送孫誠之尉北海

吾鄉如覆盂地據揚楚脊環以萬頃湖黏天四無壁蜿蜒  
戲神珠正晝飛霹靂草木無異姿靈氣殊鬱積所以生羣  
材各抱荆山璧小爲百夫防大爲萬人敵夫子少邁倫喑  
鳴阻金石奏賦明光宮玉座瞻咫尺翻身墮雲霄十載迫  
窮厄焚舟更一戰得尉滄海北五月乘畫船簫鼓事遠適  
天橫齊山青雨帶楚水黑勿云晚方仕四十乃古昔勿云  
名位卑九萬自此擊幽求尉朝邑髣髴森已白元振尉通

泉律令非所卽一朝會風雲

關文

秋興擬韓退之

逍遙北窗下百事遠客慮無端葉間蟬催促時節去愁起如亂絲營纏不知緒日月豈得已還復役朝暮人生均有得悲歎我不悟春秋自天時感憤亦真趣

擬孟郊

曉風有暴信暮蟬無好聲曉風與暮蟬自與時節爭獨客辭故鄉推車謁梁城梁城道迢迢區區役吾生不如歸舊山藜藿安性情

擬韋應物

坐投林下石秋聲出疎林林間鳥驚棲豈獨傷客心物亦有代謝此理其古今鄰父縮新醅林下邀同斟癡兒踏吳

歌姪姪足訛音日落相攜手涼風快虛襟

宿金山

山南山北江水流半空金碧隨雲浮我來仍值風日好十月未寒如晚秋山僧引客尋蒼翠歷卷參差到平地萬里風來拂骨清却憶人閒如夢寐夜渡無風月入扉相對老人如槁枝流水與天爭入海共笑此心誰得知下山却向中冷望番憶當時在屏障老母息兒且欲歸回首雲峰已天上

李端叔見寄次韻

君文豪贍無與儔使我吟諷忘離憂浩如沅湘起陽侯翻星轉日吞數州華章藻句饒風力頃刻朱紅迷畛域一班縱復爲管窺萬派終難以之測區區文墨倦高情解鞅還

遊恍惚庭半槽新水六尺簾卧視雲物行空青伊我籃輿  
抵京縣溽暑黃埃負初願君家只在御城東彌月不能三  
兩見求仙未若醉中真蟻鬪蛾飛愁殺人清都夢斷理歸  
棹回首一樹瓊枝新歸來草木春風換世事蝟毛那可算  
幸謝故人頻寄書莫笑元郎自呼漫

陳令舉妙奴詩

西湖水滑多嬌嬌妙奴十二正芬芳肌膚皙白髮脚長含  
語未發先有香溪上夜燕侍簪裳皎如華月墮滄浪音聲  
入雲能斷腸不許北客辭酒漿主人藹藹邦之良少年射  
策謁未央俊詞偉氣森開張玉杓貫斗生怒芒天欲文采  
老更昌故使斂翮窺羣翔五十僅補尚書郎浩歌騎牛倚  
徜徉東風戲雨花草狂二溪泱泱青黛光妙奴勿倦侑羽

觴主人正欲遊醉鄉

還自湯泉十四韻

歲晚倦城郭聯驂度業峩天黃雲脚亂村黑鳥翎訛潦水  
侵生路晴天落漫坡澄江練不卷温井鑑新磨漁火分星  
遠沙鷗散點多霸祠題玉筋龍窟受金波琬琰存吳事兒  
童記楚歌孤龕瘦居士雙塔老頭隨飛鼠鳴深穴胡蜂結  
巧窠晚參圓白足昏梵禮青螺雲馭沉荒甃仙春沒淺莎  
杖藜從莫逆談笑入無何滲澹日連霧蕭騷風轉阿華清  
俄夢斷回首失煙蘿

辯才法師嘗以詩見寄繼聞示寂追次其韻

遙聞隻履去翛然詩翰纔收數月前江海盡頭人滅度亂  
山深處塔孤圓憶登夜閣天連雁同看秋崖月破烟尚有

衆生未成佛官超欲界入諸禪

次韻公關即席見寄

與君鄰並共煙霞乘興時時過我家更漏一新聞曉角門  
闌數級看秋花湖山對值全如買風月相期不用賒賴有  
醉毫吟更苦他年分作句圖誇

秋興擬杜牧之

鼓鼙夜戰北窓風霜葉鋪堦疊亂紅一段新愁驚枕上幾  
聲悲雁落雲中眼前時節看馳馬日下生涯寄斷蓬弟妹  
別來勞夢寐杳無消息過江東

秋興擬白樂天

不因霜葉辭林去的當山翁未覺秋北里酒錢煩屢索南  
州詩債懶頻酬欲歌金縷羞紅粉擬插黃花避白頭底事

登臨好時節等閒收拾許多愁

中秋口號并引一云雲山閣白語

伏以四難并得既為樽俎之佳期五福具膺實號縉紳  
之盛事矧中秋之屆候宜公燕之交歡恭惟判府大資  
身遇聖神家傳將相時應半千之運論歸尺五之天姓  
名久在於金甌方面暫分於玉節浮堦飛閣引南國之  
佳人豪竹哀絲奏西園之清夜

雲山簷楯接低空公晏初開氣鬱蒸照海旌旛秋色裏激  
天鼓吹月明中香槽旋滴珠千顆歌扇驚圍玉一叢二十  
四橋人望處台星正在廣寒宮

次韻侍祠南郊

風馬雲車下九天郊柴初告帝心虔天如倚蓋臨壇上星

若連珠遶御前縹緲佩環參雅奏  
岩臺樓閣抱非烟侍臣  
舉酒欣相屬醉看參橫左右肩

口號

美酒忘憂之物流光過隙之駒不稱人心十事常居八  
九得開口笑一月亦無二三莫患身外無窮且賭尊前  
見在功名富貴何異楚人之弓城郭人民問取遼東之  
鶴付與香鈿畫鼓盡歡美景良辰欲奏長謠聊陳短韻  
平原居士今無影鸚鵡空洲誰舉杯猶有漁陽摻搥鼓爲  
君醉後作輕雷

早春

黃金款款滿垂楊尚有春寒到畫堂酒力漸銷歌扇怯入  
簾飛雪帶梅香

赴杭倅至汴上作

俯仰觚稜十載間扁舟江海得身閒平生孤負僧牀睡准  
擬如今處處還

無題

掃地燒香閉閣眠簾紋如水帳如煙客來夢覺知何處掛  
起西窓浪接天

蘇子瞻記江南所題詩本不全余嘗見之記其五絕

今以補子瞻之遺

東坡跋并三絕見正集第十卷  
擬織錦詩注下

紅窓小泣低聲怨永夕春風斗帳空中酒落花飛絮亂曉  
鶯啼破夢怒怒

晞草露如郎倅薄亂花飛似妾情多歸鴻見處彈珠淚語  
燕聞時斂翠蛾

琴絃斷續愁兼恨，嶺水分流西復東。深院小扉紅日落，繡  
牕閒倚更誰同。  
參橫霽色天沉水，宿鳥寒枝竹瑣煙。余惹舊香清夜半，淚  
凝殘燭畫堂前。  
寒信霜風柿葉黃，冷燈殘月照空牀。看君記憶傳文錦，字  
字愁繁惹斷腸。

金山晚眺

西津江口月初弦，水氣昏昏上接天。清渚白沙茫不辨，只  
應燈火是漁船。

和程給事贈虞道判三首

刀圭雲母具晨飡，門對三層步斗壇。夜考鶴經分七九，曉  
占歲氣辨齡丹。

火棗交梨近可餐，不須地肺及天壇。龜藏坎海毛皆綠，鳳  
宿离宮色自丹。

紫府沉沉揜夜關，竹陰清掃月中壇。歲星偷得桃枝碧，董  
奉栽成杏子丹。

處州開題

清酒一杯甜似蜜，美人雙鬢黑如鴉。莫誇春色欺秋色，未  
信桃花勝菊花。

春詞絕句三首

蒲萄裊暖蕙薰微，紅日窺軒睡覺時。人倦披衣雙燕出，青  
絲高罨木蘭枝。  
弱雲亭午弄春嬌，高柳無風妥翠條。懶讀夜書搔短髮，隔  
垣時聽賣饒簫。

淮海集鈔 二十四  
都城春富百花披長憶人歸駐馬時淺色御黃應好在爲  
誰還發去年枝

秋詞二首

雲惹低空不更飛班班紅葉欲辭枝秋光未老仍微暖恰  
似梅花結子時  
無數青莎遶玉階夕陽紅淺過墻來西風莫道無情思未  
放芙蓉取次開

呈李公擇

青箋擘處銀鈎斷紅袂分時玉筋懸雲脚漸收風色緊半  
規斜日射歸船

落日馬上

日落荒阡白霧深紫騮嘶顧出疎林回頭已失來時路杳

香金盤墮翠岑

賞酴醾有感

春來百物不入眼唯見此花堪斷腸借問斷腸緣底事羅  
衣曾似此花香



春來百物不人眼  
只見此其澗  
則昔問澗  
則綠風  
連翠

亦會以此芥香

賞領齋齋齋

香金盃齋齋齋



